



875
M366p



C. 3 - 27


1.2-



875

M366p

Rare Book & Special
Collections Library



PROPEMPTICON

QVO

TRES IUVENES NOBILISSIMOS
DISCIPLINAE NVPER SVAE ALVMNOS

PROSEQVITVR

AC DE

POMPEIANIS INSCRIPTIONIBVS

VNAM SIMVL INTERPRETATVR

GEORGIVS HENRICVS MARTINI

SCHOLAE AD D. NICOL. RECTOR

LIPSIAE 1779.

LITTERIS SOMMERIANIS

PROBATION

THE PROBATION DEPARTMENT

OF THE DISTRICT OF COLUMBIA

OFFICE OF THE PROBATION DEPARTMENT

NO. 10

PROBATION DEPARTMENT

OFFICE OF THE PROBATION DEPARTMENT

PROBATION DEPARTMENT

OFFICE OF THE PROBATION DEPARTMENT

PROBATION DEPARTMENT

OFFICE OF THE PROBATION DEPARTMENT

875
M366p

34036 M. SEYTON

NOBILISSIMIS ATQVE POLITISSIMIS
CAROLO HENRICO
C. G. F. WINKLERO
CHRISTIANO FRIDERICO
RVIDIGERO
ET
IOANNI GODOF. QVANDTIO
IVVENIBVS OPTIMIS
OPTIMARVM LITTERARVM
IN PRIMISQVE IVRISPRVDENTIAE STVDIOSISSIMIS
S. P. D
G. H. MARTINI

Per morbum valde ancipitem, quo me nuper laborasse nostis, *Iuvenes optimi et politissimi*, ego vos, e nostro litterarum ludo exeuntes, quo constitueram modo, dimittere non potui. Decuit enim, me vobis, stadium Academicum ingressuris, cursum apprecari laetissimum; vos item ad litteras, in quibus adhuc versati eratis, studiose continuandas, et cum disciplinis subtilioribus nunquam non copulandas, cohortari; vobis denique meum erga vos studium, meum amorem, satis iam testatum, in posterum quoque polliceri. Feci tum quidem, quod meministis, haec omnia verbis admodum paucis; quantum scilicet debilitatae corporis vires sinebant: sed mihi met ipse adeo non feci satis, ut ex eo statim tempore, meum erga vos studium publice testificari de-



rem. Quod, quoniam in praesenti per vires satis confirmatas licet, non diutius differendum puto, sed primo quoque tempore exsequendum.

Igitur ante omnia VOBIS, I. O. quorum ingenio, discendi alacritate, moribus, quam maxime delectabar, non sine magna animi laetitia gratulor, quod bene instituti litteris iis, quae inferioribus in scholis traduntur, ad subtiliores disciplinas tandem audiendas tractandasque accessistis. Iusto enim fundamento satis firmo, fieri potest, ut reliquum eruditionis VESTRAE quasi aedificium, in eo constituendum, itidem firmum et stabile futurum, nec propter ipsius fragilitatem metuendum sit, ne hoc, veluti infantulorum aedicula, e chartis lusoriis composita, leuissimo quoque spiritu vel impetu collabatur. Multi enim, de quo complures saepe iam questi sunt, ac me ipsum querentem audiistis, adeo rudes et inexercitati sublimiores adgrediuntur disciplinas, ut scholis magistrorum, qui eas latine docent, non nisi tanquam *κωφὰ πρόσωπα* interesse possint; adeoque spem faciant perexiguam, ipsos sua aliquando scientia cum ciuibus aliis, tum vniuersae reip. multum profuturos. At vero vos eo studio, ea discendi cupiditate nostram frequentastis scholam, eosque in artibus humanitatis progressus fecistis, ut optima quaeque de VESTRIS studiis expectare possint magistri, parentes, patria. Qua de causa Deum o. m. supplex rogo, velit VOBIS, in studio Academico decurrentibus, praeter valetudinem firmam, ingenii vim aciemque tantam et tam eximiam largiri, quanta et quam eximia opus est, ut, quod sequimini, assequamini etiam, virique euadatis, cum eruditi et rerum multarum gnari, tum *καλοκάγαθοι*, qui patriae praesidio, Parentibus optimis ornamento, magistris honori, ciui cuique

VESTRAM opem imploranti, consilio esse possitis! Quod si vos assequutos videro, tum me iure quodam meo felicem fortunatumque iudicabo.

Tum etsi sublimiores, quas vocant, disciplinas iam indagatis, in eisque discendis versamini: tamen nolite, I. O. existimare, parum VESTRA referre, longiusne, quas adhuc solebatis, persequamini humanitatis artes, an, his posthabitis et tantum non contemtis, eis duntaxat, quantum fieri potest, incumbatis. Quo opinionis errore si quis teneatur, (malo enim id de quouis alio suspicari, quam de VOBIS, quos artium elegantiorum et suauitate captos, et incredibili in ipso iure R. discendo vtilitate permotos, scio, eis operam duros) ideoque sibi temere persuadeat, se eas susque deque habere posse: eum profecto multum agendo, quam saepissime nihil agere, neque in disciplinis subtilioribus indagandis recte et ordine versari videbitis. Ingenio enim ipsius, litterarum, quas dicimus, scientia non perpolito, nec subactō, deest veri facile videndi acumen, quod accurata veterum Graeciae Latineque auctorum lectione et interpretatione nutritur et augetur: deest sensus ille pulcri et venusti, qui, quid in loco qualicunque tractando necessarium, superuacuum; aptum, ineptum; elegans, inuenustum sit, illico sentiat, adeoque istud sequi et ornare, hoc fugere et rescare iubeat: deest exercitationis assiduitas, quae mentem disciplinis seuerioribus anquirendis fessam, et fere oppressam, recreandi causa, ad suauiora illa studia, subinde redire cogat. Quo fiat, necesse est, ut eiusmodi adolescens, quoniam oblectamenta honestiora ignorat, ignorata sequi non potest, aut languori se desidiaequē dedat, aut libros, si non turpes, obscenos, ad exuendum honestatis religionisque sensum scriptos, certe



quidem inutiles, non nisi fabulis ingeniose fictis refertos, nec raro absurdos, manu diurna nocturnaue verset, aut denique, per prauos sodales corruptus, ab officioque abductus, flagitiis foedissimis sese inquinet. Hanc qui tenet rationem, quomodo is fiat vir vere eruditus, ad negotia vel sacra, vel ciuilia, recte gerenda idoneus? aut rerum quam plurimarum scientia, aliisque laudibus clarus? Tantum abest, ut talis euadere, ut coelum citius collabi, aut telluris nostrae ciuis qualiscunque agmen bene compositum contra Saturni incolas ducere, ipsos superare, stellamque istam errantem in potestatem suam redigere possit. Ne igitur peruersa eiusmodi iuuenis, vel nihil, vel inconsiderate omnia, vel flagitiose agentis, consuetudine infecti, a laudabili optimarum litterarum studio abstrahamini, summopere caute, I. O. magnamque contra animi contentionem adhibete, ut, quas amare, quas sequi, quas in deliciis habere incepistis humanitatis artes, eas nullo non tempore persequi, et tractare, ingenium eis *VESTRVM* magis acuere ac perpolire, et pulcri venustique sensum probabilem confirmare pergatis. Quo facto, *VOBIS*, disciplinas subtiliores addiscentibus, non solum magno erunt adiumento, sed intelligentis etiam, haec studia, teste Tullio, adolescentiam alere, senectutem oblectare, secundas res ornare, aduersis perfugium ac solatium praebere; delectare domi, non impedire foris, pernoctare nobiscum, peregrinari, rusticari; ex eisque solis delectationem peti, et animi remissionem, libero homine dignam. Quod ut *vos*, rerum usu condocefacti verissimum esse sentiat, ego maximopere opto.

Denique quanquam praelectionibus meis interesse desistis, I. O. neque adeo, quo adhuc, eodem in posterum copulati sumus consuetudinis
vincu-



vinculo: tamen nec VOBIS dedecori, et mihi singulari oblectamento sciatis fore, si, necessitudine isthac quodammodo continuata, vos me saepius adire, meam super quaestionibus litterariis sententiam explorare, ac me dubiis in rebus consulere non grauemini; vt hac via locus mihi detur, amorem erga vos pristinum, ac bene de VOBIS rebusque VESTRIS promerendi studium significandi. Nostis animi mei integritatem, aequitatem, propensamque aduersus disciplinae meae alumnos voluntatem; eos in primis, qui pietate in Deum, assiduitate, morum elegantia, obtemperandi studio, ceteris antecellunt, aliorumque impietatem, negligentiam, mores feros et effrenes, contumaciam, modesti tacitique reprehendunt. Cuiusmodi iuuenes, mihi longe prae aliis caros, per omnem vitam amare, tueri, aliis tradere et commendare soleo. Quorum in numero quum vos fuisse sciam, eoque nomine vehementer diligam, officii ratio me VOBIS, in posterum quoque maxime cupere, laetissima quaeque apprecari, et VESTRAM felicitatem, quantum quidem possum, prouehere iubet. Id quod, si Deo o. m. videbitur, cum caussa VESTRA, tum parentum VESTRORVM nomine efficiam — — — — Parentes enim TVOS, MI QVANDTI, cum homines antiqua virtute et fide, in primis vero *Patrem*, mercatorem perquam frugalem, ciuem iustum, aequum et beneficum, patrem optimum, herum etiam humanum esse, inter omnes constet, huiusque egomet ipse voluntatem liberalem identidem perceperim: honestatis sensus, quem mihi natura inesse, vere praedicare possum, me perpellit, vt et *Ipsis*, et TIBI, *Ipforum* caussa, summopere faueam, nulloque tempore non optem, vt Deus o. m. non tantum *Ipsos* felicissimos, sed TE etiam, iuris ac



rerum quam plurimarum scientia, virtutis studio, et honoribus clarum, *Parentibus tam honestis*, singulari et solatio, et ornamento esse iubeat. Hinc velim etiam, TIBI ita persuadeas, me TIBI rebusque TVIS nunquam defuturum, siquando TVAM prosperitatem, et *Ipsorum* spem de TE captam, meis laboribus studiisque prouehi et augeri posse intellexero.

Patri TVO, MI RVIDIGERE, quoniam iamdudum in viuis esse desiit, nemo quidem nec optare quicquam potest, nec gratificari. Habes tamen *Matrem, feminam honestam et integram*, huiusque fratrem optimum, SIM. FRIDER. OLBRECHTVM, virum iuris scientia clarissimum, de ciuitate patria laudabiliter promerentem, mihi que amicissimum. Quibus quum TV non possis non perquam carus esse, et vtriusque amorem et studium pietate, obsequio, morum elegantia, merearis: horum causa aequum est, me TIBI, rebusque TVIS studere, TVAM scientiam praeceptis salutaribus augere, TVAM que prosperitatem et consiliis, et opera, quantum possum, prouehere: maxime quum mihi non minus, quam *Ipsis*, honorificum fore videam, si TV litterarum scientia, prudentia, ingenioque florens, ciuis euaseris, omni plausu et honore dignissimus.

Patrem denique TVVM, WINKLERE NOBILIS-SIME, virum illustrem et magnificum, eruditio nis variae et exquisitae, in primis iuris scientia inclutum, multo rerum vsu prudentem, ciuitatis Lipsicae Cos. amplissimum, scholae nostrae curatorem grauissimum, *Matrem item TVAM, Feminam primariam, et optimam*, omni virtutum genere ornatissimam, cui intus recteque nosse contingit, et ex vtriusque consuetudine peruidere, quanta sollicitudine, quanto studio, tam in fratrum TVCRVM, quam TVA
pius



ipſius proſperitate ſtabilienda prouehendaque laborent; is non poteſt *Parentes tam eximios*, tamque prudentes, non maximi facere, atque honeſtiſſimum Ipſorum conſilium, quantum in ipſo eſt, adiuuare. Quae omnia quum mihi cognita ſint et penitus perſpecta, et praeter haec, *Pater Tuus longe praeſtantiſſimus* ſuo me patrocinio, *Mater perquam excellens* beniuolentia ſingulari, complectatur: ius et fas eſſe ſcio, me *Eis*, nullo non tempore, quacunque re fieri poteſt, gratificari, debitaque erga *Eos* pietate, erga TE ſtudio, ſignificare, mirifica et paene incredibili, qua me vterque afficiunt, benignitate me non prorsus indignum eſſe. Itaque pergratum *Ipsis* me facturum non ignoro, ſi TE, in ſtadio Academico decurrentem, ſtudio, conſiliis, ſcientiaque qualicunque mea, iuuare haut grauabor. Grauabor autem nullo modo, ſimul ac TV mihi, qua in re meum ſtudium, meam operam deſideres, ſignificare volueris. Interea Deum o. m. pius et ſupplex oro, velit TIBI, rebusque TVIS, propitius aſſeſſe, TVOS labores, artibus optimis ediſcendis deſtinatos, fortunare, TE que valetudine proſpera, et laeto rerum omnium euentu ita augere, vt *Parentes Optimi* habeant, cur TE ſaluo, incolumi, doctrinae, morum virtutumque laudibus claro laetentur, eoque nomine omnium fortunam ſuperare videantur; in primisque vt *Pater Inclutus*, propediem Dresda reuerſus, et Cos. iterum renuntiatus, dum rei publicae conſulit, priuatae florem augeri videat, dum ciuium omnium incolumitatem tuetur, e *Familiae ſplendiſſimae*, TVA potiſſimum, felicitate ſolatium capiat maximum, negotia denique grauiora dum prudenter procurat, TVAE ſcientiae laudisque incrementis indies magis recreetur.



At enim vero vt, vna cum hoc mei erga v o s amoris documento, aliam accipiat quasi tesseram, quae v o s mihi in paucis caros fuisse, nunquam non testetur: super loco aliquo, ex antiquitate R. depromto, vt quondam, disputare, et varia, quae v o b i s prodesse, et ad huiusmodi litteras tractandas incitare possint, exponere placet. Qua oportunitate haud dubie dicam nonnulla, quae viris in hoc litterarum genere versatis, tralaticia, atque adeo minus necessaria videbuntur: ego autem illa nihilo secius explicabo, vt, ad quae in eiusmodi rebus indagandis animum intendere, et vnde non pauca, quae ad iuris R. disciplinam pertinent, haurire deceat, ex hac dissertatiuncula videatis. Nimirum interpretabor v o b i s, I. O. perelegantem aliquam inscriptionem, quam ex *Pompeiorum* rudерibus, XIII abhinc annis, amplius, erutam accepimus. Eius ἀπόγραφον exstat cum in libris aliis, tum in commentario qualicunque meo, quo id oppidum, septemdecim saecula integra quasi mortuum, in vitam reuocare, h. e. ipsius originem, historiam, interitum, iterata eius effodiendi consilia, item signa et artificia vetusta, inde in lucem prolata, cum ipsorum titulis enarrare adgressus sum. Quam quidem in hoc libello, dum alter operas iam exercet, non temere inconsiderateque diuulgo. Duo enim, hoc facto, sequor: primum, vt qui in non paucis eius ἀπογραφάοις error est, facilius sanari possit; tum, vt quae ad ipsam intelligendam necessaria quidem sunt, sed in libello, lingua vernacula scripto, paucis dici non poterant, hoc loco plenius explicare queam. Vnde factum, vt eius lectores, siqui pleniorē tituli interpretationem desiderent, hanc scriptiunculam adire monerem. Quod vbi assequutus ero, I. N. v o s q u e v e s t r a m scientiam

inde

inde auxisse resciero, me oleum et operam, quod dicunt, perdidisse non putabo.

Inscriptio super aedis Iſiacae foribus quondam collocata, ibidemque reperta, his verbis expressa est, et enuntiata:

N. POPIDIVS. N. F. CELSINVS
 AEDEM. ISIDIS. TERRAEMOTV. CONLAPSAM
 A. FVNDAMENTO. P. S. RESTITVIT
 HVNC. DECVRIONES. OB. LIBERALITATEM
 CVM. ESSET. ANNORVM. SEXS
 ORDINI. SVO. GRATIS. ADLEGERVNT

Eam *Ioannes Lamius*, V. Cel. a Iosepho Galzerano sibi missam, primus, quod quidem sciam, in commentariis litterariis, Florentiae confici edique solitis, promulgauit: eodemque loco tam virorum eruditissimorum, quorum complures hodieque Neapoli litterarum laude florent, super ipsa interpretanda contentionem, ex epistola simul reddita, quam suam de hac quaestione sententiam, exposuit. Quo facto, alii viri doctissimi, Italiae ornamenta, eandem et diuulgarunt, et suo quisque ingenio interpretari conati sunt. Quae omnia, suo quodque loco, paucis attingam, ut vos diuersae interpretum diuersorum opiniones ne lateant. Agite vero, I. O. in arcem rei ipsam inuadamus: et quo monimenti verba sese excipiunt ordine, eo etiam interpretemur.

Versum primum efficiunt haec: N. POPIDIVS. N. F. CELSINVS. in quibus siglas, N. et N. F. cernitis: quarum illam *Numerius*, has *Numerii filius*, significare, idque vocabulum in vsitatis Romanorum praenominibus fuisse, iamdudum vobis cognitum est, atque exploratum. Vnde non est, quod heic diu multumque moremur. De ipso autem *Popidio Celsino* haud dubie ex me sciscitabimini, quis homo hic fuerit? quo patre natus? vtrum-



ne maiores habuerit nobiles, rebus bene strenueque gestis clarissimos? an ignobiles duntaxat, humilesque et obscuros? Verum si haec quaerantur a vobis, ad ea, quod vehementer doleo, per monumentorum paucitatem, respondere non licet. Equidem in numis Rom. non memini inuenire, quae *Popidia* dicatur familia: reperi tamen in lapide apud Reinesium *), quo *Serg. Popidius Felicius*, item *Popidia*, commemoratur. Qui lapis, Capuae effossus, vna cum nostro, quem *Pompeis*, celebri quondam Campaniae oppido, erutum scimus, facit, ut gentem *Popidiam* in Campanis floruisse credam. Quin fuit tempus quoddam, quo vtrumque hunc *Popidium*, non nisi per lapides notum, ex posteris esse rebar *Q. Popedii Silonis*, non postremi inter sociorum Italicorum duces, bello Marfico vel sociali celeberrimos **): cuius ductu Marfos, Romam, ut Senatum imprudentem opprimerent, contendisse, et a quo Caepionem, ducem aliquem R. per insidias interfectum esse, nemo fere est, qui ignoret. Etenim leue, quod inter *Popidius* et *Popedius* est, discrimen non impedit, quo minus vnus eiusdemque stemmatis homines esse possint: maxime quum in monumentis vetustis E et I non raro permutata reperiantur. Utin Gruterianis exstat ***) pro exeat; *Paperius* †) pro *Papirius*; *beniuolentia* ††) pro *beneuolentia*: quod postremum etiam in libris scriptis ita reperi-mus. Sed quoniam alii hominem isthunc *Pompe-dium* vel *Poppaedium*, graeci auctores Πομπίδιον, Ποππαίδιον vel Πομπάδιον vsurpant: quae a nostri nomine nimium quantum differunt: hanc conie-
cturam

*) Syntagm. Inscript. p. 710. qui etiam apud Mura-torium p. MMLXVII. n. 4. exstat.

**) Vellei. Paterc. l. II. 16.

***) p. DCCCLI. n. I.

†) p. CCV. n. I.

††) p. CCCCXXXIII. n. 6.

Eturam meam abiicere, quam exornare et tueri, eoque tempus perdere malo. Nobis sane, diuersone ab auctore, an vno eodemque originem duxerint isti homines, perinde esse potest. Igitur ad alia progrediamur.

Numerii huius patrem idem, quod filius, praenomen, ex siglis N. F. idemque nomen gentilicium habuisse, satis apparet. In hoc nihil est, quod cum vsitato Romanorum more minus congruat. Quod vero ad cognomen, patri et filio alioquin itidem commune, attinet; contra Romanorum instituta, aliud ei, huicalius fuisse probabile est. Quod cur affirmem, illico intelligetis. Nimirum eadem in aede Isiaca, alio tamen loco, effossum est Bacchi signum elegantissimum, e marmore Graeco factum: cuius in basi hic titulus legitur, N. POPIDIUS. AMPLIATIVS. PATER. P. S. quae verba *Numerium Popidium Ampliatum* id dedicasse, eoque aedem exornasse demonstrant. Qui quoniam PATER vsurpatur, non potest *filium*, eumque de Isidis templo itidem bene promeritum, non habuisse. Hoc enim nisi ponamus, τὸ PATER temere, inconsiderate ac sine sensu, integro nomini adiectum videtis. Vnde id, credibile est, discriminis causa additum esse, ne duo homines pro vno saltem haberent lectores, nec quod filius hoc in templo faciendum curauerat, id patri temere tribuerent. Quo sumto, et concesso, *Popidium*, patrem *Ampliatum*, filium *Celsini*, cognomen habuisse, videtis. Id quod etsi rarum est, inuisitatum tamen, quin prorsus falsum, ne censete. Exstant enim sexcenta, in auctoribus non minus, quam in vetustis marmoribus exempla, quae filiis, maxime post Augusti, imperatoris, aetatem, cognomina alia, ac patribus fuisse demonstrant. Vt, *Vespasiani*, imper. nomen integrum erat, *T. Flavius*



uius Vespasianus: patris cognomine dicebatur filius ipsius maior^{*)}): minor non item, sed *Domitianus*, Exempla alia suppeditat *Zaccaria*, V. Clar. in Institutione antiquario-lapidaria^{**)}): cuius librum, probabilem quidem illum, sed nondum satis castigatum et perpolitum, adeatis, necesse est, si in hoc litterarum genere nonnihil videre placeat. Cuiusmodi exempla quum filios per saepe cognominibus aliis, aliis patres appellatos esse confirment: ex eis haud dubie efficietis, I. O. solum cognomen ti discrimen non satis esse causae, cur quispiam *Celsinum* filium *Ampliati* fuisse, addubitet, vel prorsus infitietur. Fieri enim potest, ut is, posito patris, aui materni cognomen sumere, vel propter adoptionem, aliamue causam, alterum usurpare iussus sit. Ceterum sicui VESTRVM ex me, quinam hic *Popidius Ampliatus* fuerit? quaerere lubeat: ego nihil sane ad id respondere possim, nisi quod ex hoc eius donario appareat, ipsum ciuem Pompeianum fuisse satis beatum, pium erga Deos, et patriae amantem. Quibus dictis, verum alterum explicare pergamus.

AEDEM. ISIDIS. TERRAEMOTV. CONLAPSAM
Scriptores Latini quid *aedem* appellent, tralaticium est. Nihil igitur super hoc vocabulo dicendum. De *Dea*, cui dedicata fuerat *aedes*, et quam vobis scio non prorsus incognitam esse, breuiter strictimque disserere, et quid in ipsius fabula verum mihi videatur, exponere placet. Nam si quis VESTRVM, I. O. omnia et singula, quae fabularum auctores de ea, vel commenti sunt, vel aliqua veri specie narrant, hac opportunitate sciscitari aueat: eum Lili Gregorii Gyraldi, Natalis Comit, aliorum

^{*)} Sueton. Tit. c. I.

^{**)} p. 37. seqq. Qui li-

ber, Italice scriptus, Romae 1770. in lucem exiit.

rum libros mythologicos, in primis vero Paulli Ernesti Iablonsky Pantheon Aegyptiacum adire et versare moneam, vt ex his suam discendi cupiditatem expleat. Cur enim iusto copiosior sim in explicandis eis, quae rei arcem nihil attingunt? et cur ea, quibus non est opus, ex aliis transcribam? Satius est, si quid video, pauca duntaxat ex fabulis multis, et obscuris, et inter se repugnantibus, heic proferre, eoque facto, quoniam in quauis fabula veri quicquam inest, de rei veritate coniecturam aliquam meam vobiscum communicare.

Ac primum quidem omnium satis constat, Isim ab Aegyptiis pro Dea haberi coeptam, summaque pedetentim religione, vel superstitione potius, cultam esse. Eam Acesodorus Neptuni et Callirhoes, Cecrops Argi et Ismenes, alii Mercurii, Prometheiue filiam fuisse tradunt. Alii contra aliam negant esse, quam quae vulgo Io, Inachi filia, dicatur: et quae, siue a Ioue, siue a Iunone, in vaccam candidam mutata, variis Europae Asiaeque prouinciis peragratis, *mare Ionium* transnarit; tandem vero in Aegyptum delata, priorem hominis formam recuperarit, eoque facto, regni incolas artes optimas docendo, variisque beneficiis afficiendo, ad singularem erga se reuerentiam et pietatem adduxerit. Sed quae de Isidis in vaccam mutatione, peregrinatione, aliis, traduntur, merae sunt, quod nostis, fabulae: in quibus quid veri insit, quantum fieri potest, anquiramus. *Herodotus* eam a Phoenicibus, seu viraptam, seu, metu patris, sua sponte abeuntem, in Aegyptum scribit deuectam. Vnde sunt viri docti, qui fabulam de Iside, in vaccam mutata, et *mare Ionium* transmittente, natam contendant e signo bouillo, in nauis, qua vecta sit, prora depicto. Cui sententiae, quod rationibus repugnat

Chrō-



Chronologicis, adstipulari nec ipse possum, nec vos iubeo. Nimirum *Isis* creditur *Ofiridis* vxor fuisse: qui haud dubie est is, quem Sanchoniathon *Mosor*, Chronicon Aegyptiacum *Bansar*, *Masur*, et *Misr*, Eupolemus atque Syncellus *Mesraim*, Moses denique *Mizraim* *) appellat. Fuit igitur *Chami* (qui mihi certe non alius, atque *Chronus* esse videtur) filius, neposque Noachi, quem Manethon *Agathodaemona*, Sanchoniathon *Vranon*, *Epigeon*, *Autochthona* vocitat. Hic *Ofiris* vicesimo quarto tam aetatis suae, quam diluuii finiti, anno in Aegyptum venisse, ac, regno per triginta annos administrato, a *Typhone*, fratre, interfectus traditur, quinque annos ante, quam Chamus, pater, vita excesserit. *Isidem* posthac, marito paucos annos superstitem, filio, ciuitatem gubernanti, consilia ferunt suppeditasse saluberrima, eoque meruisse, vt filius, pietate insignis, ipsam demortuam diuinis prosequi honoribus populares suos iusserit. Ex quo quum *Isidem* primo post diluuium saeculo vixisse, et bene egregieque factorum laude floruisse videatis; neque probabile sit, tam exiguo tempore fieri potuisse, vt aut Phoenices, nauigationis tam subito peritissimi, quaestus causa, Graeciam adirent, aut Graecia iam tum cultores adeo numerosos et locupletes habuerit, vt mercibus aliunde aduectis indigerent: coniectura admodum verisimili hinc effici potest, eam neque a Graecis parentibus esse oriundam, neque in Aegyptum a Phoenicibus delatam; adeoque rem aliam hisce fabulis inuolutam latere. Quod ego verum in eis esse subodoror, id huc fere redit. Nimirum *Isis* haud dubie femina fuit longe prudentissima

*) Ex hoc ipsa Aegyptus, qua Hebraica appellata est *Mizraim* in lin-

tissima atque ingeniosissima, *Semi* vel *Iapheti* posteris prognata: quam, vi raptam, in matrimonium duxit *Osiris*, siue *Mizraim*, nouus Aegypti rex a patre renuntiatus. Haec aetati *Osiridis*, exeunte anno eo, quo ex arca prodierant, nati, vt probabile est, suppar, arcae seu nauis, qua Noachus vna cum stirpe sua conseruatus fuerat, fabricam et rudera sine dubio saepissime conspexit; ex eisque, per singularem, qua erat, ingenii solertiam, tum occasionem cepit, tum rationem didicit cymbae vel nauiculae conficiundae, adeoque nauigationis exercendae. Quo in negotio exsequendo fieri potest, vt, praeter ceteram materiem, bouis corium (quod populos barbaros hodieque facere constat) adhibuerit, et in lembunculo, ex huiusmodi pelle confecto, sedens et quasi latens, rei experiundae causa, modo Nilum transmiserit, modo littora legerit, eoque facto ciues ad se imitandam adduxerit. Cuius facinoris memoriam quum conseruare et propagare vellent Aegyptii, eoque consilio litteras, quas vulgo dicunt hieroglyphicas, adhiberent, hoc est, Isim pingerent, quae in eiusmodi cymba, e corio bouillo facta, latens, deueheretur in Aegyptum; et in terram inde egressa, humanam denuo assumeret formam: poetae peregrini tabulam pictam, visam quidem illam, sed non recte intellectam, ex ingenio suo interpretati sunt, nec pauca, vt placeret, quam fecissent fabulam, addiderunt. Atque hic mihi verus fabulae fons, vera origo esse videtur. Phoenices autem, a Chami posteris itidem oriundi, quum nauigandi artem magis magisque excoluissent, industriae sua effecissent, vt nauigationis auctores crederentur: Isidis inuentionem in Aegyptum ad se traxerunt, et rem ita esse, aliis, rerum quondam gestarum ignaris, facile persuaferunt.



Sed haec, quae dixi, vtcunque a vobis, I. O. aliisque animaduersa erunt, aut existimata, haud in magno equidem ponam discrimine. Ad ea mihi potius pro se quisque *Vestrum* acriter intendat animum, quae Isidis prudentia fuerit, quae studia et instituta, per quas res gestas, quibusque artibus factum sit, vt eximio prae Diis ceteris honore cultuque Aegyptiis digna videretur. Ac primum quidem leges eam ferunt longe saluberrimas condidisse et in Aegypto sanxisse; tam religiose a posteris seruatas, vt eas ne minimum quidem migrare auderent, si audiat Platonem^{*)}, testem grauissimum. Quas si reuera scripsit sanxitque, id verisimile est eo tempore euenisse, quo filium, *Orum*, consiliis quam optimis adiuuuisse dicitur, vt auctoritatem et regnum suum prorsus confirmaret. Tum hunc ipsum filium, quem Graeci Apollinem dixere, artem salutare docuisse, quin hanc, humano generi vt prodesset, ipsa exercuisse putatur^{**}). Vnde fit, vt homines tam aegrotos, quam alios, malo quocunque vexatos, horumue necessarios, Isidis opem et implorasse, et praedicasse adeptam, in tot monimentis videamus. Prius apparet ex Tibullo^{***}):

Nunc, Dea, (sc. Isis) nunc succurre mihi: nam
posse mederi

Picta docet templis multa tabella tuis.

item

*) de Legg. l. II. p. m. 657.

**) Diodor. Sic. l. I. p. m.

Ις. Φασὶ δ' Αἰγυπτίοι τὴν Ἰσιν Φαρμάκων τὲ πολλῶν πρὸς ὑγίαν εὐρέτιν γεγενῆσθαι, καὶ τῆς ἰατρικῆς ἐπιστήμης μεγάλην ἔχειν ἐμπειρίαν, καὶ τὸ σύνολον πολλὰ μηχανήσασθαι. διὸ καὶ νῦν

τυχῆσαν ἀθανασίας, ἐπὶ ταῖς θεραπείαις τῶν ἀνθρώπων μάλιστα χαίρειν, καὶ κατὰ τὰς ὑπνεῖς τοῖς ἀξίῃσι διδόναι βοηθήματα, κ. τ. λ. Plura tum addit auctor, quae ad hunc locum pertinent.

***) l. I. eleg. 3. v. 27. f.



item ex Iuuenali *)

Et quam votiua testantur sana tabella

Plurima, pictores quis nescit ab Iside pasci?

qui tamen hominis potius naufragium passi, aere dato qui pingitur, quam aegroti vota spectare videtur. Posterius testantur marmora non pauca in Gruterianis **), e quibus duorum saltem verba transcribere placet. Alterius quidem ***) haec sunt:

ISIDI. SERAPIDI. LIBER

LIBERAE. VOTO

SVSCEPTO. PRO. SALUTE

SCAPVLAE. FILII. SVI

P. QVINCTIVS. PARIS

S. I. M

alterius †) autem inscriptio, eademque Graeca, haec est:

ΕΙCΙΔΙ ΦΑΡΙΑ..

ΕΙCΙΝ ΤΗΝ

ΕΝ ΜΕΝΟΥΘΙ

ΥΠΕΡ CΩΤΗΡΙΑC

ΤΟΥ ΚΥΡΙΟΥ ΗΜΩΝ

ΑΥΤΟΚΡΑΤΟΡΟC

ΑΝΤΩΝΕΙΝΟΥ

.
.

Quae quamquam nec integra est, desunt enim duo, minimum, versus, et valde corrupta, siquidem secundi versus verba (quae prorsus deprauata, per leges grammaticas stare nequeunt, nec sanari e Pighii schedis, in quibus ΕΙCΙΗ pro ΕΙCΙΝ est) sensum probabilem haud suppeditant: tamen hoc ex illis potest intelligi, tituli auctorem, posito hoc lapide, exsoluisse votum, pro Antonini, imperatoris, nescio cuius, salute nuncupatum; eoque

B 2

ipso

*) Sat. XII. v. 27. sq.

**) p. LXXXII. sqq.

***) p. LXXXIII. n. 8.

†) p. LXXXV. n. I.



ipso meam sententiam confirmari. Marmora plura, veluti huius rei testes, si requiritis, non pauca in Reinesii Syntagmate inscriptionum, in Marmoribus Taurinensibus, aliis, exstant. Deinde Nili incrementum, singulis annis, sistro indicasse, et quid hanc ob causam opus facto sit, monuisse traditur: cuius rei scientia delectati, et commodis locupletati, temere crediderunt posteri, eam ipsam et Nili aquas adaugere, et, quoscunque vellet, ventos excire posse. Et quoniam, praeter haec, diuersos Nili stagnantis auctus e Luna, perpetuaque huius vicissitudine pendere credebant: facile sibi a callidis versutisque sacerdotibus persuaderi passi sunt, eam ipsam esse Lunam, harum rerum effectricem. Vnde etiam cornua, qualia lunae crescentis sunt, in fronte gerens, fingi pingique solita est: etiam si alii, vt Caylus, e comitibus Franco-gallis, huius rei causam aliunde repetendam censeant. Denique agri colendi, lini ferendi texendique rationem, praeter nauigationis rudimenta, populares suos edocuisse fertur. Quae beneficia, quae artificia ipsi tribui solita, fecerunt, vt Apuleius *) eam fingeret dicentem, appellari sese ab aliis Cybelen, aliis Mineruam, Venerem, Dianam, item Proserpinam, Cererem, Iunonem, Bellonam, Hecaten et Rhamnusiā. Quin ea, vt breui praecidam, *Myrionyma* i. e. decies mille nominum Dea, vsurpata est: id quod, in aliis, apparet ex lapide Gruteriano **): in quo ISIDI. MYRIONYMÆ. SACRVM. cet. legitur. Cuius appellationis causa haec est, quod, quae opera et negotia Graeci a Deabus singulis, ea omnia Aegyptii ab Iside sola, peragi et procurari rebantur. Vnde illorum

*) Metamorphos. l. xi. p. m. 259.

**) p. LXXXIII. n. II.

lorum scriptores cuncta Dearum singularum nomina huic soli tribuere non dubitarunt. Populus igitur Aegyptiacus tot et tantis, quot et quantis diximus, ab Ifide, eaque sola, beneficiis affectus, et auctus, eam et viuam, et mortuam potissimum, singulari honore ac reuerentia prosequi coepit. Quem eius cultum quoniam filius non solum ratum habuit, sed etiam imperauit exegitque magnopere: is, veluti fluuius, quo longius ab ipsius originibus discessum est, eo maiora cepit incrementa. Quo factum, vt multo plura per vniuersam Aegyptum haberet templa, et maiori religione colebatur Isis, quam Osiris. Quid? quod singularia beneficia sua ipsa maiorem in modum iactitare videtur in columna, Nyssae prope ipsius sepulcrum collocata, teste Diodoro Siculo *), his quidem verbis: Εγώ Ισις εἰμι, ἡ βασιλίσσα πάσης χώρας, ἡ παιδευθεῖσα ὑπὸ Ερμῆ, καὶ ὅσα ἐγὼ ἐνομοθέτησα, εἰς δύνάται λύσαι. Εγὼ εἰμι ἡ τῷ νεωτάτῃ Κρόνῳ θεῷ θυγάτηρ πρεσβυτάτη. Εγὼ εἰμι γυνὴ καὶ ἀδελφὴ Οσίριδος βασιλέως. Εγὼ εἰμι ἡ πρώτη καρπὸν ἀνθρώποις εὐρεῖσα. Εγὼ εἰμι μήτηρ Ωρεῖ τῷ βασιλέως. Εγὼ εἰμι ἐν τῷ ἄστρῳ τῷ κυνὶ ἐπιτέλλουσα **). Εμοὶ Βεβατὸς ἡ πόλις ὠκοδομήθη. χαῖρε, χαῖρε, Αἰγυπτε, ἡ θρέψασά με. Quibus fere similia sunt, quae Plutarchus in libro de Ifide et Osiride memorat, templi Ifiaci pauimento esse inscripta: Εγὼ εἰμι πᾶν τὸ γεγονὸς, καὶ ὃν καὶ ἐσόμενον, καὶ τὸ ἐμὸν πέπλον εἰς τῶν θνητῶν ἀπεκάλυψε. Haec verba obuerlata videntur animo eius, qui in Campano aliquo lapide ***) haec incidi iussit:

B 3

TE.

*) l. I. p. m. 16.

***) in Gruterianis p.

**) forte rectius ἀνατέλλουσα. LXXXII. n. 2.



TE . TIBI
VNA . QVAE
ES . OMNIA
DEA . ISIS
ARRIVS . BAL
BINVS . V. C

Cuiusmodi verba magnifica etsi Isis de semetipsa non dixerit, scripta tamen in quocunque ipsius fano, aliove monumento, non poterant lectores pios, vel potius superstitiosos, non adducere, ut eam reapse Dearum, quotquot essent, omnium optimam, maximam esse, sibi persuaderent, eoque nomine venerarentur. Quod reuera accidisse, complura antiquitatis monimenta plane demonstrant. Quid? quod auctores prisca, siquo loco Aegyptiorum sacra publica attingunt, omnia *Isidorum* nomine comprehendunt, haud secus, ac si tota Aegyptiorum religio vno Isidis numine ac nomine contineretur *).

Quae *Isidis* sacra, pedetentim propagata, alios quoque populos, ut, Etruscos, Graecos, mirifice delectarunt, itaque ceperunt, ut pietate et reuerentia aduersus Isidem, si non superarent, certe quidem aequarent Aegyptios. Id qua vel aetate, vel via, factum sit, heic anquirere, et vos docere, non attinet: neque tamen isthoc verisimile est accidisse, antequam commercium inter eos, quos diximus, populos et Aegyptios stabilitum esset. Interim, quod non de tempore, id de re ipsa certum constat. Isiaci cultus, a Graecis accepti, vestigia non pauca vidistis iam, in ipsorum scriptoribus: plura si requiratis, auctor vobis fuatorque sim, ut adeatis Iablonsky Pantheon Aegyptiacum **), VESTRVM que sciendi desiderium leniatis

*) v. Iablonsky I. c. P. II. §. I. p. 3.

**) P. II. p. 25. f.



niatis. Quo pertinent etiam, quae Appianus de Isidis templo apud Rhodios *) commemorat, et quae Chii numo aliquo suo testantur **). Etruscos, et alios Italiae, inferioris potissimum, incolas, eiusdem Deae cultui, ad insaniam fere, deditos fuisse, testatur non solum monumentum vetustum, lingua Pelasga scriptum, quod erudite interpretatus est Scipio Maffeus ***), sed etiam haec ipsa, de qua disputamus, Pompeianorum aedes Isiaca, et complura Isidis signa, vasa sacra, et tabulae, quae in splendidissimo Pictarum tabularum Herculanensium opere †) reperiuntur. Tandem Isidis cultus et sacra ad Romanos etiam peruenierunt, ita tamen, ut vel nunquam, vel admodum fero, Senatus R. auctoritate comprobata videantur. Ea, Ciceronis certe aetate, Romae nondum publice accepta et stabilita fuisse, efficitur ex loco eo ††), quo Cottam e Balbo quaerentem inducit: „Si Dii „sunt illi, quos colimus et accepimus: cur non „eodem in genere Serapim Isimque numeremus? „Etsi enim iam antea Romam fuerint delata, ibique sine dubio clanculum peracta sacra Isiaca: tamen ea Senatus R. adeo non rata habuerat, ut potius SCtis compluribus fieri vetuisset. Quorum vnum factum accepimus L. Aemilio Paullo Cos. qui, quoniam opifices Isidis Serapidisque sana attingere religioni sibi ducebant, posita praetexta, arrepta-que securi, ipse ea diruere coepit †††). Quae sa-

B 4

cra

*) v. Begeri thesaur. Brand. T. I. p. 416.

**) Beger. l. c. Tom. III. p. 46. f.

***) in Originibus Etruscis et Latinis, p. 68. f. vers. lat.

†) Tom. I. tab. 50. T. II.

tab. 59. et 60, item minores picturae p. 69. et 226; 99. et 253. Tom. III. p. 150. et 180. T. III. tab. 69. et 70. it. p. 166. alibi.

††) de Nat. Deor. l. III. c. 19.

†††) Val. Max. l. I. c. 3.



era quum, breui post, denuo, senatus iniussu, introducerent vel homines superstitiosi, vel sacerdotes versuti, Dei vtriusque aras penitus euerterunt Piso et Gabinius Cofs. A. V. C. DCLXXXV, testibus Dione Cassio *), Tertulliano **), et Augustino ***). Deinde, Octauiano Augusto imperante, A. V. C. DCCXI decreuere quidem Cofs. Serapidi Isidique templum ****): sed ipsa sacra Aegyptiaca, quae rursus in urbem sese insinuabant, ab Agrippa, vrbi praefecto, Roma quasi demigrare iussa sunt, M. Lollo et Q. Aemilio Lepido Cofs. A. V. C. DCCXXXIII †). Isidis templum, Romae tandem aedificatum, Tiberius, imperator, propter infandum, nescio quod, facinus, tertium euerti, et simulacra in Tiberim proici et demergi iussit ††). At vero quamuis multa fuissent cultus Isiaci, Romae stabiliendi, impedimenta: tamen, his superatis, accepta demum sunt †††), et Dea tanta superstitione culta, quanta numen aliud nullum. Hinc queritur Lucanus ††††):

Nos in templa tuam Romana accepimus Isim,
Semideosque canes, et sisra iubentia luctus,
Et quem tu plangens hominem testaris Osirim,
Tu nostros, Aegypte, tenes in puluere manes.

Igitur quandoque v o s, I. O. Tibulli ††††) vel
Pro-

*) l. xxx. p. m. 142. et 196.

**) Apologet. c. 6.

***) de Ciuit. Dei, l. xviii. c. 5.

****) Dio Cass. l. xxxvii. p. m. 336.

†) id. l. liiii. p. m. 526.

††) Ioseph. Antiq. Iud. l. xviii. c. 3.

†††) Antoninus Caracalla, imp. incredibili studio tandem effecisse dicitur, vt sacra Isiaca Romae publice peragerentur. Spartian. in Anton. Carac. c. 9. p. m. 158.

††††) l. VII. v. 747. fqq.

††††) l. I. Eleg. 3. al.

Propertii *) vel Nafonis carmina, vel scriptorum aliorum, Augusto et Tiberio priorum, libros legentes, eos ad Isidis sacra respicere, horumque ritus sollennes attingere cernetis: nolite, quaesumus, ex eorum dictis argumenta petere, quibus meam sententiam refellatis. Nam quae auctoritate publica nego sancita fuisse, eis homines priuatos clam vacasse haud negauerim: siquidem vosmet ipsi non ignoratis, multos priuatim facere multa, quae auctoritate publica non permessa, nedum iussa, constat. Eam vero his sacris diu defuisse, testatur ipse Propertius **) hisce versibus:

An, quoniam agrestem detraxit ab ore figuram

Iupiter, idcirco facta superba Dea es?

An tibi non satis est fuscis Aegyptus alumnis?

Cur tibi tam longa Roma petita via est?

Quid tibi, quid prodest, viduas dormire puellas?

Sed tibi, crede mihi, cornua rursus erunt.

Aut nos e nostra te, saeua, fugabimus vrbe:

Cum Tiberi Nilo gratia nulla fuat.

Sed hunc locum in praesenti non amplius persequi, ideoque hoc vnum, *ὡς ἐν παρόδῳ*, adhuc memorare placet, Cornelium Tacitum ***) de Sueuis scripsisse, eorum partem, sua aetate, Isidi sacrificare, Deaeque signum, in modum liburnae figuratum, demonstrare, aduectam religionem. Hac Isidis formandae ratione Sueui, quos dicit Tacitus, haud dubie respexerunt ad nauigandi artem, ab ipsa inuentam: vti Lucianus etiam, in dialogo, quem *Διὸς καὶ Ἑρμῆ* inscripsit, eam vniuersae rei nauticae praefectam esse commentus est. Iupiter enim Mercurio haec praecipit: *τὴν Ἰω — — εἰς τὴν Αἰγυπτον ἀπαγαγὼν, Ἰσιν ποιήσον. καὶ τὸ λοιπὸν*

B 5

πὸν

*) l. II. el. 33. al.

***) lib. de Situ, moribus, et populis Germaniae c. 9.

**) Eleg. 33. v. 13. sqq.



πὸν ἔγω θεὸς τοῖς ἐκεῖ, καὶ τὸν Νεῖλον ἀναγέτω,
καὶ τὰς ἀνέμους ἐπιπεμπέτω, καὶ σωζέτω τὰς πλέ-
οντας. Copiosius non solum, sed etiam longe ac-
curatius atque eruditius de hoc Isidis apud Sueuos
cultu disputarunt duo viri illustres, et omni laude
nostra maiores, alter Lipsicae, Vitembergensis
alter, Academiae decus et ornamentum: nimirum
IO. GOTTLÖB BOEHME ὁ πάνυ *), cuius in
me humanitatem et benivolentiam satis praedica-
re nequeo, et DAN. GVILIELM. TRILLERVS,
annis non magis, quam meritis venerabilis senex,
et vti salutaris, ita omnium liberalium artium scien-
tia excellentissimus **): quorum libellos, exqui-
sita et singulari doctrina refertos, adire, et, quae
hic attingimus saltem, ex iis plane discere, vobis,
I. O. etiam atque etiam suadeo. Ceterum quum
Isidis sacra tam longe lateque propagata sint, quid
mirum, si ea ad Pompeianos etiam peruenisse,
Deamque Aegyptiam ipsorum in oppido fanum ha-
buisse cernimus?

Eam Isidis aedem TERRAEMOTV. CONLAPSAM
esse, e reliquis versus secundi verbis apparet. Id
Nerone imperante, P. Mario Celso, L. Asinio
Gallo Coss. h. e. A. V. C. DCCCXV. accidit: quod
in altero libello meo, plane demonstratum arbi-
tror. Quem diuulgatum si versare et lectitare ope-
rae pretium duxeritis, viam, opinor, et rationem
perquam facilem Dionis Cassii, Taciti et Senecae
verba, (quae quidam inter sese pugnare rati, teme-
re

*) Duabus de Iside Sue-
uis olim culta dissertationi-
bus, quarum altera A. O. R.
CICIDCCCXXXVIII, altera
anno post, Lipsiae promul-
gata est.

**) Exercitat. subitanea

de Iside, dea etiam salutaris,
et medicis sacra, olim apud
Sueuos religiose culta: quae
Opusculor. medic. et medi-
co-philologicorum vol. II.
p. 341. ff. reperitur.

re emendare adgressi sunt) comparandi recteque interpretandi, in eo propositam reperietis. Quae ibi dicta sunt, huc transcribere non opus est, ne quis me mea ipsius scrinia compilare clamitet. Id vnum hic memorabo, ea tempestate *Pompeios* non totos, sed magna ex parte, conlapsos esse. Ex quo sequitur, ut reliqua persisterit, aedificiis quidem plus, minus, clade affectis, nonnullis forsitan prorsus inuiolatis. In aedium tum prolapsarum numero, *Isiacam* fuisse, neque ego affirmare possim, nec quisquam alius, nisi mercenarii, oppida tam diu occultata perscrutari iussi, ipsius rudera, et, quod maius est, hanc ipsam inscriptionem effodissent: cuius insignis et elegancia et utilitas, me maxime ad eam promulgandam et interpretandam adduxit.

De vocabulo **TERRAEMOTV** nihil habeo, quod moneam, nisi hoc vnum, fuisse in Italia non neminem, cui id prorsus singulare, nec titulo simili satis accommodatum, visum sit. At vero *Isidorus Blancus**) duas ex Muratorianis lapidibus inscriptiones, Latinam alteram, alteram Graecam, protulit, in quibus hoc ipsum vocabulum adhibitum est. Vnde haud scio, an id cuiquam posthac scrupulum iniicere debeat.

Inscriptionis nostrae versu tertio legitis haec:

A. FVNDAMENTO. P. S. RESTITVIT, cuius in verbis non nisi siglas P. S. aliquantum lucis desiderare opinor. Eae quam saepissime in lapidum vetustorum titulis vsurpantur, et, quod sensum postulare videtis, **PECVNIA. SVA.** significant. Itaque in faxis non paucis plane legitur:

vt

*) In Lezione sopra questa antica lapida, p. 27. Tom. XV. nouae Collectionis opusculorum scientificorum et philologicorum, Venetiis promulgari solitis.



vt Gruterianis *), SVA . PECVNIA . REFECERVNT;
item **), ARAM . SVA . PECVNIA . POSVIT. Quae
duo exempla, pluribus non est opus, vos docere
possunt, quo pacto siglas, P. S. F. vel P. S. P. item
P. S. F. C. vel denique D. S. P. F. C. in plerisque
marmoribus interpretari debeatis. Namque haec
omnia, siquando huius generis monimenta, scientiae
Vestrae augendae causa, recte et, quo decet,
ordine tractare adgrediamini, animis inculcata et
quasi infixae teneatis, necesse est, vt verum cuiusque
sensum peruidere ipsi, aliosque docere possitis.
Ceterum hoc vnum hic adiciam, siglas P. S.
vel S. P. explicari etiam posse PROPRIO . SVMTV,
vel SVMTV . PROPRIO. Quam interpretationem
tueri licet hoc lapide Muratoriano:

MACELLVM . TERRAEMOTIBVS

LAPSVM CASTRITIVS

VIR . PRIMARIVS

SVMPTV . PROPRIO

FIERI . CVRAVIT . CVM

SILVERIO . FILIO

ACCEPTIS . COLUMNIS . ET . TEGVLIS

A . REPVBICA

Hic titulus, praeterquam id, quod modo dictum
est, patri non raro aliud, aliud filio cognomentum
fuisse, demonstrat: illum enim in hoc monumento
Castritium, hunc *Siluerium* vsurpari videtis. Qui-
bus dictis, non dubito, quin plenum versus tertii
sensum pernoscat. Igitur ad quartum et reli-
quos pergamus.

HVNC . DECVRIONES . OB . LIBERALITATEM

CVM . ESSET . ANNORVM . SEXS

ORDINI . SVO . GRATIS . ADLEGERVNT

Qui

*) p. CVIII. n. 8.

**) p. CVIII. n. 4. et 6.

Qui per primum vocabulum *hunc*, significetur, per se manifestum est. De altero, *decuriones*, copiosius differendum puto, propterea quod hac opportunitate video explicari posse nonnulla, quae ad ipsum ius Rom. recte intelligendum pertinent, adeoque vobis, id iam addiscentibus, utilitatem afferre possunt. Ac primum quidem omnium meminisse debetis, I. O. *Decurionum* vocabulo, a priscis auctoribus, aliisque in monimentis adhibito, non semper vnum idemque hominum genus indicari. Haudquaquam. Est id e nominum *πολυσήμεων* numero, eoque, quem orationis contextus postulat, sensu accipiendum. Dicebantur enim *Decuriones* non solum ii, qui in exercitu R. equitum turmae praeessent *), sed etiam qui cuiuscunque corporis vel societatis hominum parti essent praefecti: siquidem vno in corpore ut plures fuere partes, ita plures numerati *Decuriones*. Quo ex genere fuit *Saturius* ille, quem Suetonius **) *cubiculariorum decurionem* dixit ***). Eiusmodi multo plures in lapidibus vetustis memorantur: ut, in Gruterianis ****) *decuriones fabrorum*; in Reinesianis †) *decuriones collegii naupegiar.*; in Taurinensibus ††) *decurio Augustalium*; in Sponianis †††) *decurio ostiariorum*, cet. Huius generis *decuriones*, Reinesio, quem dixi, et Christ. Gottlieb Schwarzio ††††) auctoribus, quoniam eiusmodi collegia *Zuinfte* vel *Innungen* vocamus, vernacula nostra

*) Veget. l. II. c. 14.

**) Domit. c. 17.

***) Alius *decurio cubiculariorum* memoratur in Donianis inscriptionibus cl. VII. n. 2.

****) p. CCCLXXII. n. I. et, DCXXXII. n. I.

†) cl. I. p. 261.

††) Part. II. p. 136. n. CLXXIII.

†††) Miscell. Antiqu. E. rud. p. 214.

††††) Miscellaneis polit. humanitatis. p. 56.



nostra die *Ober- vel Viermeister, Geschworne* dicere possimus. Plura tamen nec de his, nec de aliis, differere placet, propterea quod huiusmodi excursus nec necessarius esse videtur, et iusto copiosior futurus. Igitur non nisi de illis *Decurionibus*, qui hoc loco intelligendi sunt, quaerere adgrediamur. Nimirum aliud ea aetate *Decurionum* genus fuit, h. e. hominum, qui per prouincias Rom. tam in municipiis, quam in coloniis, salutis publicae consularent, adeoque *Senatores municipales* aut *colonicæ* essent: quales fuere, quos a Suetonio *), Iulio Caesare **), Cicerone ***), quin in hoc ipso monumento publico memoratos videtis. De quibus etsi copiose differuit Carolus Sigonius †) Schwarzius ††) Euerardus Otto †††) alii: quorum libros adire et versare vobis quam maxime suadeo: tamen hunc ipsum locum, hac opportunitate, itidem attingam, et vnamquamque rem tantummodo perstringam.

De nominis ratione et causa, sine dubio, ante omnia quaeretis. Neque inconsiderate. Nostis enim ex institutione nostra, cognitam vocabulorum originem et causam, interdum ad declarandam eorum notionem, vim aliquam habere. Verum vobis itidem cognitum est et exploratum, valde lubricam esse et fallacem hanc explorandarum notionum viam, quae verborum origines sequatur; saepissime etiam plane nihil ad peruidendam ipsorum vim valere: meque propterea eiusmodi quaestionibus, ne dicam, minutiis etymologicis, in instituendo, parum temporis impendere sole-

*) Aug. c. 100. et 46.

**) Bel. Ciu. l. I. c. 13. 23.

***) pro Rosc. Amer. c. 9.

39; ad Diu. l. VI. ep. 18.

alibi. conf. Ernesti τὸ πᾶν
Clau. Cic.

†) de Ant. Iure Pop. R.

p. m. 666. et 699.

††) l. c. p. 20.

†††) de Aedilibus Coloni-
arum et Municipiorum c.
V. p. 126. ff.

solere. Exemplo hoc ipsum *decurionis* verbum esse potest. Quod etsi a *decem*, vel *decuria* deriuatum esse, adeoque aliquam ad numerum denarium rationem habuisse, ambitiose doceam: id tamen tantum abest, vt vobis, rem ipsam indagantibus, satisfacere, certamque et plenam illius notionem suggerere queat, vt potius hanc non minus, quam antea, ignorare, adeoque etiam vocabuli notatione supersedere posse videamini. Quin vos nihil prorsus scio ad libellum qualemcunque meum intelligendum desideraturos esse, hoc animis penitus infixis, municipiorum vel coloniarum Senatores plerumque latine vsurpari *decuriones*. Qui quoniam aequae, ac senatores Romae, in *curia* conuenire, ac de ciuitatis suae rebus consultare solebant: quod, praeter alios, docet Plinius *), atque Aufonius **): ex curia, etiam *curiales* dici coepti sunt. Cuius rei testis est Isidorus, qui ***) *decuriones*, inquit, dicti, quod sint de ordine curiae. Officium enim curiae administrant. Vnde non est *decurio*, qui summam non intulit, vel curiam non participauit. *Curiales* autem iidem et *decuriones*. Et dicti *Curiales*, quia ciuilia munera procurant, et exsequuntur. Itaque eos nullibi fere non in Codice Theodosiano vocatos reperietis. Tandem quoniam ipsos, consilii publici causa creatos, in publicum consulere decuit: e graeco *βουλευεσθαι*, in oppidis certe Graecae originis, nominati sunt *βουλευται*, et latine *buleutae*. Quod ipsorum nomen

*) I. I. ep. 8. qui, sermonem, inquit, non apud populum, sed apud *decuriones* habui; nec in propatulo, sed in *curia*.

**) in Mosella, p. 401. f. m. 101.

— — quos *curia* summos Municipum vidit proceres, propriumque senatum.

***) Orig. l. VIII. p.



mē vfurpauit et Plinius *) et Spartianus **): qui Septimium Seuerum, imperatorem, Alexandrinis *buleutarum* dediffe memorat, quum antea, vti fub regibus, ita fub praefide prouinciae, fine publico confilio, et vni faltem iudici, ab imperatore mitti folito, obnoxii vixiffent. Ex quo intelligitis, τὸ βουλευτῆς, in prifcis libris, fiue facris, fiue profanis obuium, nonnunquam recte et latine verti poffe *decurio*: idque ipfo Traiano auctore, qui, quos Plinius dixerat *buleutas*, ipfi refcribens *decuriones* vocare haud dubitauit ***). Igitur perinde fore cernitis, vtrum eiuſmodi minorum oppidorum ſenatores, in hac commentatione, *decuriones*, an *curiales* feu *buleutas* appellem: etiamſi primum eorum nomen frequentius adhibere placeat.

Sed quoniam *decuriones* dixi vel *municipiorum*, vel *coloniarum*, per imperii R. prouincias, *ſenatores* fuiſſe: non male me facturum opinor, ſi ab indaganda vtriuſque generis ratione et forma exorſus, ad ea progrediar, quae de huiuſmodi ciuitatum ſenatoribus dicenda videntur. Equidem hunc locum non ignoro et difficiliorem eſſe, et a Sigonio copioſius diſputatum ****). Nihilo ſecius tamen ea, quae ſcitu neceſſaria, et maxime ad elegantioſiorem iuris prudentiam pertinere puto, heic loci breuiter ſtriſtimque dicere placet, vt, quo pacto primi cuiuſque ciuitatis *decuriones* creati ſint, deminutus eorum numerus poſthaec expletus, qui eorum cenſus, quae commoda fuerint, quae incommoda, tanquam in tabula videatis.

Et

*) l. X. ep. 48. 113. 115.

**) in Seuer. p. m. 124.

***) Plin. l. c. ep. 114.

****) de Antiquo Iure

Pop. R. l. II. c. 2. ſeqq. p.

624. edit. Thomaf. conf.

quae in Marmoribus Tauri-

nens. T. I. p. 143. ſeqq.

hac ſuper re diſputantur.

Et primo quidem sciendum est, *municipii* vocabulo non semper vnam eandemque vim subiectam a scriptoribus Rom. vtpote qui tam colonias, quam ciuitates foederatas hoc nomine vsurparunt. Qui propriam et natiuam subiiciunt potestatem, eo significant oppidum, Italiae potissimum, ciuitatis Romanae iure donatum: cuius adeo ciues, *municipes* dicti, homines essent iuris ciuium R. participes. Hinc Vlpianum et Paullum, Ictos perquam celebres, videtis *municipes* sic definire, vt eos alter dicat esse, qui in ciuitatem R. accepti, munerum participes herent; alter, qui iure ciuium R. donati, munera ciuilia caperent. Quae ab utroque *munera* vocantur, non sunt nisi officiorum ciuiliu iura: et ex huiusmodi *muneribus capiendis* ipsum *municipum* nomen factum, et quasi conflatum esse apparet. Tum duas municipiorum formas fuisse plerique contendunt auctores: aliis datam scribunt ciuitatem R. sine suffragio; aliis ita, vt ipsis suffragii latio esset. Festus triplicem esse ait *), quam ego duplicem dixi municipiorum formam: causam, qua permotus ita existimarit, nec adferre placet, nec refellere, quoniam haec quaestio vobis parum prodesse videtur. Eoque magis, quod composito bello Marfico, vel sociali. datoque, per legem Iuliam, sociis Italicis omnibus ciuitatis R. iure vna cum suffragandi potestate, quod municipiorum discrimen antea fuerat, id esse prorsus desit. Quid? quod vel ipsum municipiorum nomen non potuit non intercidere, simulatque imperator Antoninus, cui *Caracallae* cognomentum fuit, edita constitutione **), incolas orbis R. omnino omnes in ciuium numero esse voluit.

Eius-

*) de verborum significat.
p. m. 324.

**) v. Ezech. Spanhemii
Orbis Romanus, quo hoc
demon-



Eiusmodi *municipii constituendi* viam et rationem si anquiratis, admodum expeditam fuisse reperietis. Nam si cuius oppidi ciues, ob egregium aliquod in rem Rom. meritum, vel pacem nuper initam, aliamue causam, ciuitate donandos censuerant Patres, seu Senatores R. atque SCtum hac de causa factum erat: res ad vniuersum ferebatur populum, vt hic, penes quem omne ciuitatis communicandae ius et arbitrium, Senatu vel inuito, esset, Patrum beneficium, plebiscito vel ratum faceret, vel irritum pronuntiaret *). Idem populus, vbi rem non tantum ratam habuerat, sed etiam vna cum ciuitate, municipio cui piam largienda, suffragii lationem voluerat copulare: vel ipse constituit, qua in tribu suffragia ferrent noui ciues **), vel censoribus permisit, vt eos aut veteri adscribebant tribui, aut nouam, in qua ferre possent, veteribus adderent ***). Cuiuscunque oppidi incolae ciuitatem Rom. siue ita, vt eis esset suffragii latio, seu sine suffragio, hoc modo acceperant, *municipes* vsurpari sunt coepti; fueruntque ciues R. qui in municipiis, quisque suo, legibus suis, suo iure utebantur, muneris saltem, vti iam dixi, cum ipso Populo R. participes****). Quod Heinneccius, contra aliorum sententiam, de militaribus potissimum muneribus intelligendam existimat: quo iure, quauē iniuria, penes alios arbitrium esto.

Cete-

demonstratur p. 195. 203. ed. Londinens. alt. Vnde haec constitutio haudquaquam fuit Antonini Pii, etiam si hic in numis *AMPLIATOR. CIVIVM* appellatur. conf. Spanhem. l. c. p. 170. et de Vsu et Praest.

Num. antiquorum. Dissert. III. T. I. p. 155.

*) Liu. l. xxxviii. 36.

**) Liu. l. c.

***) Liu. l. viii. 17.

****) v. A. Gell. Noct.

Att. l. xvi. c. 13. et Vlpian. l. c.

Ceterum ex hac definitione effici potest cogique, *municipes* multis iuribus atque privilegiis, quae alioqui non nisi ciuium R. essent, donatos quasque mactatos fuisse. Hinc per iura, cum ipsis communicata, numos lupae, Remum Romulumque lactantis, speciem gerentes, cudere potuerunt. Hanc enim effigiem etsi non nisi Romanorum quasi symbolum esse voluerant prisci Romani, ideoque ad Ficuin Ruminalem simulacra infantium, quos dixi, conditorum Urbis, sub vberibus lupae posuerant Cn. et Q. Ogulnii, aediles curules *): tamen posthac factum demonstrat *Vallens* **), vt non solum in foris oppidorum ditioris Rom. omnium eiusmodi collocaretur signum, sed etiam in numis tam coloniarum, quam municipiorum exhiberetur. Cuius rei argumento sit vnus municipii Coellutani numus, quem aeri incisum idem auctor in libro suo suppeditauit ***). Tum non nisi legibus institutisque suis, quae hac de causa leges usurpatae sunt municipales, vivebant, teste quidem A. Gellio †), ipsisque leges Romanas vel accipere, vel detrectare, vt libuit, licuit. Id si fecerant, *fundi facti esse* censebantur ††), et ipsorum ciuitas proprie *municipium* dicebatur: sin hoc, non nisi improprie sic usurpata est, pro-

C 2. pterea

*) Liv. x. 23.

†) l. cit.

**) i. e. *Vaillant*, in Numismatibus aereis Imperatorum, Augustarum et Caesarum in coloniis, municipiis et urbibus iure Latii donatis, Part. I. p. m. 221. quo in libro similibus numerorum complures reperiuntur.

***) l. c. Part. II. p. m. 213.

††) Cic. pro Corn. Balb. c. 8. 21. A. Gell. l. c. p. m. 902. conf. Ernesti δ πάλιν in Ind. legg. Lex Iulia L. Caesaris; item Illustris Heyne in Commentat. qua instituta et leges Heracliensium, quae Tarentinorum fuit colonia, more suo, persequitur, p. 5. nott. u. x. y.



pterea quod suis, quam ciuitatis Rom. iure ac legibus
vti maluisset, rectiusque ciuitatis foederatae vel sociae,
item Iuris Italici nomen habuit. Quod discrimen me-
moriam tenēatis, necesse est, I. O. si Vossium au-
ditis super hac re differentem, et in alia omnia
abeuntem. Is multis affirmat vinci posse argumen-
tis, *municipes* legibus Rom. vixisse, quin viuere
oportuisse; et Gellium, quum *municipes* dicat,
nullis aliis necessitatibus, neque vlla Populi R. lege
adstrictos fuisse, aliam negat, praeterquam aeta-
tis suae, respexisse consuetudinem. Cui prorsus
refragari docent alii Heracliensium atque Nea-
politianorum decretum, a Tullio commemora-
tum *): quin Heineccius *municipes* demonstrat
αὐτονομίαν, siue ius suum et peculiare non ami-
sisse, sed foedus saltem reliquisse, vel in foedera-
tis sociisue Pop. R. ciuitatibus esse desisse. Qua
in lite examinanda dirimendaque haud dubie tutis-
sime ibitis, I. O. si, quod dixi, discrimen ex me-
moriam Vestra nunquam elabi fueritis. Praeterea
municipes sua habebant sacra, quibus, vel post ci-
uitatem Rom. cum ipsis communicatam, vacare
debuerunt ex pontificum sententia. Ea, sacra
vsurpata *municipalia*, ne his quidem, qui Romam
demigrarant, negligere licuit **).

At enim vero quamquam huiuscemodi *muni-
cipes*, ciues et erant, et dicebantur Romani: ta-
men *ingenui* non sunt appellati, nec iure ciuitatis
optimo potiti, nisi domicilio Romae constituto.
De quibus solis, reor, *Grauius* disputat, dum *mu-
nicipes* ait ***)) non solum ciuitatem R. et ius Qui-
ritium priuatum, sed etiam publicum accepisse,
et Romae magistratus, pari cum reliquis ciuibus
iure

*) loc. cit. c. 8.

***)) de imper. p. 537.

**)) Cic. de Legg. I. II. c. I.

iure ac forte gessisse; quin etiam in curias R. relatos esse. Hoc vt de Pisanis, in tribum Gáleriam adscitis, demonstrauit Norisius, pater curiae Rom. purpuratus, dum in viuis esset, eruditissimus*): ita de quibusdam aliis, si opus foret, facile comprobari possit. Vnde huiusmodi municipibus patria duplex fuit: altera naturalis, in qua nati erant, altera ciuilis, qua excepti, vitam transigere voluerent. Vt, Cato ille Cenforius, cum esset Tusculi natus, in populi R. ciuitatem susceptus est**): C. Marius, et M. Tullius Cicero, qui Arpinates cum essent, Romam profecti, pleno ciuitatis iure frui, et summis honoribus defungi coepere. Quid? quod fieri potuit, vt iuxta Romae, atque in municipio suo, honores adipisceretur eiusmodi *municipes*. Id quod T. Annii Milonis exemplum comprobatur, quem, Lanuuii dictator cum esset, Romae consulatum petiisse constat***). Quod reliquum est, *municipes* tantum non omnes ciuitatum suarum, siue carerent suffragandi iure, seu eo donati essent, formam et rationem ita instituerunt, vt reip. R. minuta quasi simulacra esse viderentur. Nam si *ordines* quaeratis; tres in eis, *decuriones*, *equites* et *plebem*, fuisse prisca monimenta demonstrant: si *consilia publica*; ea *Senatum* et *Populum* sistunt: si *magistratus* atque *sacerdotes*; ea *dictatorem*, *II viros*, *III viros*, *praetores*, *aediles*, *quaestores*, quin et *censores*, *flamines*, *Augustales*, et e pontificum classe alios, ibi creari solitos, confirmant†). Ac de *municipiorum* quidem ratione, sa-

C 3

tis

*) v. Cenotaph. Pis. differt. I. c. I. p. m. 23. sqq. lonianae argumento, p. m. 180.

**) Cic. de Legg. I. II. c. 2.

***) Cic. pro Milon. c. 12. †) v. 'Sigon. loc. cit. p. m. 698. Heinecc. I. c. p. m. 389.

Asconius Paedianus in Mi-



tis dixisse mihi videor. Sequitur, vt de *colonis* eodem modo differam.

Colonias R. fuisse ciuitates, e republica R. quodammodo propagatas, tralaticium est *); vos que in lectionibus Liuianis quam saepissime audiistis, certum hominum numerum, populi R. iussu deductum esse in oppida, ex hostibus capta, ad incolendum, eademque inde *coloniarum* nomen traxisse. Quod quibus causis adducti fecerint Romani, et quid in eo sequuti sint, satis a Sigonio **), Heineccio ***), aliis, expositum est. Eiusmodi coloniae deducendae consilium, a Patribus, vel alio magistratu R. captum, exsequi non licuit, nisi, re ad vniuersum populum lata, lex aliqua agraria, eo nomine scripta et promulgata, ab hoc perlata esset, et plebiscito confirmata. Qua quidem lege populus quasi rogatus est, quem agrum, quot quibusque hominibus, per quos praefectos, et quo pacto, diuidi iuberet. Ea igitur perlata, et rebus aliis, quas parare necesse fuit, paratis constitutisque, coloniae deducendae duces, in comitiis potissimum tributis, creati sunt. Quos plerumque III viros fuisse traditum est †). Sed praeter hos, nonnunquam V viros, VII viros, item XV viros, XX viros coloniae deducendae, ab auctoribus priscis memorantur. Qui ductores, quod ex Ciceronis Agraria altera ††) intelligere potestis, decurionibus, auguribus, pontificibus, apparitoribus, scribis, librariis, praeconibus, architectis, mulis, tabernaculis, supellectile, ianitoribus, satellitibus magni-

*) A. Gellius N. A. l. XVI. VIII. 28; X. 21. Dionys. Hal. Ant. R. l. VIII. p. m. c. 13.

**) l. c. c. 2. p. m. 625. 615. Appian. Εμφυλ. α. p.

***) l. c. c. 5. §. 224. m. 167. f.

†) Liu. l. III. 11; VI. 21. ††) Cap. 12. 13. 35.

magnifice exornati, potestatem in certos annos accepere, qua nouam coloniam rite ordinarent. Auctoritate igitur omni, qua opus erat, muniti, et hominum, quos diximus, atque amicorum cohorte stipati, nouos colonos, in agrum, lege ipsis assignatum, sub vexillo, veluti exercitum quendam, eduxere *). Ad locum, ipsis destinatum, ubi peruentum erat, coloni tam agrum, quam oppidum, seu nouum condere, seu conditum occupare **) iussi, circumscribere aratro, eoque facto vtriusque terminos designarunt. Huic ipsos credibile est, taurum cum vacca iunxisse; vt Romuli, Romam condentis, exemplum imitari viderentur. Tum colonorum cuique agri tantum est assignatum, quantum in lege, super hoc negotio promulgata, fuerat constitutum ***). Quae omnia fieri non poterant, nisi auspicato, factis sacrificiis, iustrataque colonia deducenda: et si quod omen minus felix faustumque huic negotio interuenisset, rem coeptam penitus omittere satius duxerunt, quam malis ominibus conficere †). Quin quo iam deducta esset colonia, eo aliam mitti, nefas visum Romanis ††).

Quae coloniae deducendae instituta adhuc exposui, ea rep. libera fere obtinuerunt: quo tempore non nisi *togatas* accepimus deductas, h. e. eiusmodi colonias, quae ciuibus rerum egenis, vel sociis Latinis efficerentur. Mutari vero res a L. Cornelio Sulla, ac, praeter eas, deduci *milita-*

C 4

res,

*) Cic. Agr. II. c. 32; it.

Philipp. II. c. 40. Appian.

Εμφυλ. γ'. p. m. 552. f.

Plutarch. in Gracch. p. m.

342 b.

**) Appian. Εμφυλ. α'.

p. m. 179. Plutarch. l. c.

***) Liu. III. 47; XXXVII.

57.

†) Appian. Εμφυλ. α' p.

m. 179. Plutarch. l. c.

††) Cic. Agrar. II. c. 12.

Philipp. II. c. 40.



res, seu *sagatae*: quarum auctorem Iulius Caesar, et imperatores deinceps alii, sequuti sunt. Vtriusque generis rationem et discrepantiam docte indicauit Albertus Dietericus Trekell, Ictus perquam eruditus*), quem veluti ducem sequi, me non pudet. Colonias *togatas* non nisi S. P. Q. R. auctoritate iussuque deductas legimus; *sagatae* s. *militares*, solius imperatoris arbitrio, nulla eas deducendi potestate a S. P. Q. R. accepta. *Togatas* per III viros, V viros, alios, ab ipso populo creatos, quin SCto ac lege curiata ornatos, deduci oportuit; *sagatas* misit non nisi imperator, militibus veteranis gratificaturus, qui praeterea, ad agros diuidendos, quos quotque vellet, administratos nominauit. In *ciuilibus* ornamenta et potestas ducum omnis ex SCto, et lege tum perlata, prouenire; in *militaribus* ea omnia ab imperatoris libidine profecta. Hinc *togatae* nomen haud accipere nouum, sed oppidi, quo sunt missae, pristinum vt plurimum seruatum est: *sagatae* contra nouum, ab auctoribus, quaeque suis, traxere nomen, idque tam ab ipsorum gentilicio, vt, colonia Iulia, Flauia, cet. quam cognomento, vt, coloniae Felices, Augustae **). Tum in *togatas* adscribi iussi non nisi inopes plerumque de plebe homines, pagani, alii: in *sagatas* milites duntaxat emeriti, vel veterani, vt operae ducibus nauatae praemio, ornarentur. Denique discrepabant etiam caerimoniis,

*) in Select. Antiquitt. Rom. Part. I. p. 215.

**) Hinc non male profecto Alexius Symmachus Mazocchi in Commentar. ad Campani Amphitheatri titulum, c. 1. in coloniis, ait, eandem fere, atque in

liberis, rationem fuisse obseruatam, quoniam Imperator, veluti huiusmodi coloniae patronus aestimatus fuisset: siquidem *militarium* et caussae, et auctores, et nomina, non potuissent non praefulgere.

niis, in deducendo feruari solitis *). Nimirum omnes speciem habuere quidem aliquam exercitus, ideoque singulas sub vexillo a ductoribus in locum adsignatum deductas accepimus. Sed quemadmodum apud Romanos alia fuit ratio *exercitus urbani*, qui, sub vexillo, ex vrbe in campum Martium, vel ad comitia, vel ad lustrum deducebatur; alia *classis procinctae*, (sic usurpatus est, Festo auctore**), exercitus vere talis, qui armis et signis instructus aduersus hostium agmen ducebatur): ita etiam colonia *togata* et *sagata*, specie externa, multum discrepauit, ea quidem *urbani*, hac *militaris exercitus* formam prae se ferente. Vnde hoc fere discriminis inter vtramque fuisse, credibile est. Quemadmodum *exercitus urbanus* vestitu, domi, *bellicus* contra, militiae, indui solito, adeoque ille *togatus*, hic *sagatus* incedebat: ita, qui in *coloniam civilem* transcripti erant, *togati*, qui in *bellicam*, *sagati*, ad oppida et loca, ipsis adsignata, profecti sunt. Porro quemadmodum *exercitus urbanus* armis non erat instructus, praeterquam pauci illi, qui, praesidii causa, in Ianiculo excubias agebant; *bellicus* contra iis non poterat non instructus esse: ita et colonia *togata* sine armis (nisi quod ipsius ductores paucos satellites armatos habuisse videntur); contra vero *sagata*, non nisi iuste armata, locum designatum petiit. Tum quemadmodum *exercitus urbanus*, sub solo vexillo, sine signis militaribus, in campum egressus est; *bellicus* contra non nisi signis ex aerario depromptis: ita quoque colonia *togata* sub vexillo solo deducta est; *sagata*, praeter vexillum, omnia signa militaria, in itinere,

C 5

*) Trekell. l. c. p. 221. f. conf. Marc. Velfer. Rer. Augusta-Vindelic. l. 5. initio.

**) loc. cit. p. m. 268.



re, secum gestauit. Ad haec quemadmodum *exercitus civilis* haud distributus fuit in legiones, cohortes, turmas, manipulos, siquidem haec diuisio non nisi ad classem procinctam requirebatur; *bellicus* vero sine eiusmodi distributione esse non potuit: ita quoque *sagata* duntaxat colonia, veluti iustus exercitus, in suos distributa fuit ordines, *togata* non item. Tandem vti *exercitus urbanus* ab eo saltem, qui comitiis lustroue condendo praeesset, regebatur; *bellicus* contra imperatorem, tribunos, centuriones cet. habebat: ita etiam colonia *togata* a solis gubernata est ductoribus, *sagata* vero, ad formam iusti exercitus, praeterquam imperatorem, habuit tribunos, praefectos, centuriones. Cuius rei testis est Hyginus *), qui, multis, inquit, legionibus contigit, bellum fortiter transigere, et ad laboriosam agriculturae requiem, primo tirocinii gradu peruenire. Nam cum signis et aquila, et primis ordinibus, ac tribunis deducebantur. Quam rem, initio quidem ita institutam, Nerone imperatore, iam mutatam fuisse, confirmat Taciti **) querela: qui, „non, vt olim,“, inquit, „vniuersae legiones deducebantur cum tribunis, et centurionibus, et cum suis cuiusque ordinis militibus, vt consensu et caritate remp. efficerent; sed ignoti inter se, diuersis manipulis, sine rectore, sine affectibus mutuis, quasi ex alio genere mortalium repente in vnum collecti, numerus magis, quam colonia,“. Tam breui tempore desitum est obtemperari priscis imperatorum Rom. institutis. Quae si Vespasianus, Titus, Traianus, alii, posthac maiori cura obseruarint, heic loci indagare non est necesse, quoniam haec quae-

*) De limitibus constit.
p. 160. ed. Goessii.

**) Annal. l. XIV. 27.

quaestio ad id, de quo disputatur, non pertinet. Est potius, reor, exponendum, quid fieri debuerit, colonia, seu *togata* esset, seu *sagata*, in locum adsignatum deducta.

Nimirum ductores, singularum rebus vel ex S. P. Q. R. lege tum perlata, vel ex imperatoris libidine et arbitrio, constitutis ordinatisque, *coloniarum* posthac *patroni* dicti sunt, et habiti, ad quos, vel in urbem reuersos, delata fuit, siqua nascebatur colonorum, et incolarum veterum concertatio, ut ipsi, causa cognita, litem dirimerent, coloniaeque ius et auctoritatem aduersus veteres colonos tuerentur. Quod vobis, si libet, intelligere licet ex eo, quod Cicero de contentione, quae colonis, a Sulla Pompeios missis, aliquando cum priscis oppidi incolis fuit, commemorauit*), quaeque in eo, quem dixi, libello qualicumque meo, inde narrantur. Ceterum Livius, in primis, facit, ut plerisque coloniarum deducendarum ductores, rebus peractis, Romam existimem reuersos: utpote qui, veluti rem memoratu dignam, tradit**), Agrippam Menenium, T. Clodium Siculum, M. Aebucium Eluam, III viros coloniae Ardeam deductae, negotio confecto, colonis sese adscribi passos, et remansisse in colonia, quam integritatis iustitiaeque testem habuissent. Quod eorum factum Livius, opinor, vix memoriae prodiderit, nisi id ipse pro singulari et minus visitato habuisset. Ex quo eiusdem auctoris loco praeterea palam fit, eiusmodi ductorum munus non raro difficile fuisse, et molestiae plenum, ita, ut neutris, h. e. neque a quibus missi erant, nec quibuscum, prorsus satis facerent, sed utrosque perquam facile offenderent. Ceterum Romani, praeterquam *togatas* et *sagatas*,
Lati-

*) pro P. Sulla, c. 21.

**) l. III. c. 11. extr.



Latinas etiam atque *Italici iuris* colonias misisse a priscis auctoribus commemorantur: de quibus, quoniam vniuersum hunc locum de industria non persequor, nihil est, quod copiose differam. Rem tetigisse fat est: si vobis haec omnia curiosius indagare placeat, Sigonii, Heineccii, aliorum, quos iam dixi, libros adeatis, necesse est.

Interim hoc, quod supra dixi coloniarum discrimen, fecit, vt singulae etiam iuris essent singularis; de quo breuiter strictimque dicendum puto. Ac primum quidem omnium, quoniam colonos conditoribus suis eundem, quem liberi parentibus, debere Romani *) non minus, quam ceteri antiquitatis populi, crediderunt: ad intelligendum facile est, eos, quantum iuris haberent ciues ipsi, tantum coloniae tribuisse nulli, ne vmquam adduceretur, vt pietatis atque reuerentiae, quam Romae veluti matri deberet, eam caperet obliuio. Vnde Sigonius colonis *togatis*, seu *ciuium Rom.* iura ciuitatis publica, vt, census, tributorum, vectigalium, suffragii, honorum, cet. contendit adempta esse, nec nisi iura Quiritium relictā, vt, libertatis, gentilitatis, nexus, vfucapionis, et siqua huius generis sunt alia. In alia omnia abit Manutius et Harduinus: vterque colonos, qui ciues R. fuissent, ius suffragii ferendi, et magistratuum Romae gerendorum retinuisse affirmat, tam Liuius, variis historiae R. locis, quam numis non paucis adstipulantibus. At vero Sigonii potius, quam Manutii Harduinique sententiam stare posse, luculenter demonstrat Ezech. Spanhemius **). Cui assentiri video Heineccium: qui, rei confirmandae causa, adfert locum insignem Dionis Cassii ***), quo Caesar colo-

*) Dionys. Halic. l. c. 1. 9. p. m. 68. ff.
III. p. m. 142. ff.

***) l. 43. p. m. 233.

**) in Orbe Rom. l. I. c.



colonis aliis *χωρία καὶ ἀτέλειαν*, agros et immunitatem; aliis *πολιτείαν*, ciuitatem, adeoque ius municipum, *καὶ ἄλλοις, ἀποίκιοις τῶν Ῥωμαίων νομίζεσθαι*, aliis denique coloniarum Rom. ius dedisse memoratur. Huic, me iudice, addi possunt, quae Dionysius Hal. *) de Romuli institutis atque adiumentis, urbem recens conditam, ex parua, magnam efficiendi, litteris consignauit: nimirum eum *ποιῆσαι ἀποικίας Ῥωμαίων τὰς (sc. πόλεις) κρατηθείσας· ἐνίαις δὲ καὶ πολιτείαις μεταδιδόναι*. h. e. oppida, vi expugnata, alia Romanorum colonias esse iussisse, nonnulla etiam ciuitate R. donasse. Vterque auctor, quod videtis, ciuitatis Rom. ius, a iure coloniarum Rom. plane seiungit, eoque ipso satis, nisi me omnia fallunt, comprobatur id, quod Sigonius et Heineccius affirmant, *togatas* scilicet, siue ciuium R. colonias, ius potestatemque Romae suffragandi atque magistratus gerendi, penitus amisisse. Quae, praeter causas alias, haud dubie non minima fuit, cur nonnunquam perpauci essent, qui, datis nominibus, in colonos sese transcribi sinerent **). Nec melior atque excellentior *coloniae sagatae* status fuisse videtur: de quo Sigonius, huiusmodi colonias exsequenter ***), nihil dixisse miror. *Colonorum*, quos Sulla Pompeios miserat, *commoda* a fortunis Pompeianorum veterum, reip. fortunam diiunxisse scribit quidem Cicero †), hosque de ambulatione et de suffragiis suis, cum colonis ita dissensisse, vt Pompeiani ab his etiam in ius vocarentur. Ex quo suspicari positis, coloniam hanc *sagatam*, eamque si non omnium primam, at ex primis tamen vnam, meliore

*) l. II. p. m. 89.

**) Liu. l. III. I.

***)) l. c. l. III. c. 4. p. m.

773. ff. conf. Norisii V. Cl.

Cenotaph. Pis. Dissert. I. c. 2. p. m. 28. ff.

†) pro P. Sulla, c. 21.



liore fuisse loco, quam quo essent prisca Pompeiorum incolae, post bellum Marficum ciuitatis R. iure donati. Id tamen, quamuis probabile, ego pro certo affirmare nolim, quum facile fieri potuerit, ut milites illi veterani, qua esse solent ferocitate, iura negarent sibi nata, nihil non arrogarent armis, et, legibus neglectis, incolarum veterum ius suffragii et ambulationem ad se conuertere, quin rapere conarentur. Igitur coloniam *sagatam* meliore, quam *togata*, loco fuisse, haud verisimile videtur; etsi ceteroquin, Velleio Paterculo iudice, ipsarum et caussae, et auctores, et nomina praefulgerent. Quod superest, colonias R. si non omnes, certe quidem *togatas*, legibus non suis, sed quas S. P. Q. R. auctoritate et iussu, singularum ductores in vnaquaque condiderant, vixisse accepimus. Hinc eas iura et instituta omnia populi Rom. non sui arbitrii habuisse docet A. Gellius*). Quid? quod ipsarum conditio non poterat non magis obnoxia esse: (non enim, ut idem scribit Gellius, extrinsecus in ciuitatem veniebant, nec suis nitebantur radicibus, sed ex ciuitate alia quasi propagatae erant:) eandemque longe superare *municipiorum* status, quorum ciues suis legibus, suo iure utebantur, nullis aliis necessitatibus, nullis populi R. legibus adstricti, ni populus earum fundus factus esset. Quae quum primis certe temporibus ita sese habuerint, saepe factum, ut coloniae *municipiorum*, coloni *municipum* nomen sibi arrogarent. Cuius rei testis idem Gellius est, qui (l. c.) scribit: quotus fere nostrum est, qui, quum ex colonia Pop. R. sit, non et se *municipem* esse, et populares suos *municipes* esse dicat? Item Vlpianus

*) l. c. l. XVI. 13.

nus *) ac Fontaninus **). Hinc *Hispellum* in marmore Gruteriano ***) *coloniam*, in alio Reinesiano †) *municipium* usurpari cernitis. Quin etiam *coloniis* non raro *municipiorum* loco esse, et iure frui, permixtum legimus. Quod de *colonia*, *Suessa*, ipse Cicero prodidit ††). Posthac vero, Hadriano imperante, existimari coeptum, *colonias* meliori conditione esse, quam *municipia*: unde complura *municipia* antiqua, quum suis institutis ac legibus uti potuissent, in *coloniarum* ius mutari maluerunt. Quam rem aequae, ac causae, cur ita creditum sit, Gellius eo, quem dixi, loco exposuit. Ceterum, qua ratione *municipia*, eadem etiam *coloniae*, quae itidem ciuitatis R. simulacra quaedam sibi videbantur esse, gubernari sunt solitae. Hinc si de *ordinibus* quaeratis; *Decuriones*, *Augustales* et *plebem* ibi inuenietis: si de *consiliis publicis*; *decuriones* et *populum*, siue *Senatum* *populum* que: si denique de *magistratibus* et *sacerdotibus*; *duumviros*, *aediles*, *quaestores*, quin *censores*, *flamines* cet. Ex quo non dubito, quin vos, qua haec, nihil fere inter *coloniam* et *municipium* interfuisse peruideatis. Quod superest, praeter *decuriones*, quos dixi, et *magistratus* alios, fuerunt etiam *colonia-*
rum

*) l. I. D. ad municip. et de incol.

**) In Antiquitt. Hortae, v. l.

***) p. CCCLI. n. I.

†) cl. I. n. 297.

††) Philipp. XIII. c. 8. Idem testatur numus Coel-lutani, quem supra (p. 35. not. ***) indicaui. *Coellu* vrbs fuit Numidiae maritima, in qua, ut in huius prouinciae compluribus aliis,

colonias constituerat *Aelius Hadrianus*: unde eius in honorem *Senatus R.* numum cum hoc titulo RESTITVTORI. AFRICAE cudi curauit. Hinc AELIA. COL. COEL per se dici debebat. Sed *municipii* dignitatem ab eodem Hadriano adeptam, in numo, quem dicimus, AEL. MVNIC. COEL h. e. AELIUM MVNICIPIUM COELLUTANUM sese appellat.



rum patroni, quorum in marmoribus vetustis creberrime fit mentio. Qui quo pacto electi sint, et decretum super patrocinio, cuiusquam deferendo, perscriptum, tabulisque incisum, eruditissime exsequutus est non nemo, qui *Polydori* nomen vel gessit, vel certe adsciuit *).

Exposita *municipii* et *coloniae R.* ratione ac forma, demonstratoque, qui in vtraque ciuitate, senatorum loco essent, usurpatos fuisse *decuriones*: rei ratio postulat, ut a quo cuiusque talis reipublicae **) senatores omnium primi creati sint et constituti, anquiramus. Et *Coloniarum* quidem *decuriones* a primis cuiusque ductoribus renuntiatos esse, coniecere potestis, I. O. et coniecitis haud dubie, ex eo, quod isti a S. P. Q. R. ad hanc rem creati, plenaque potestate muniti, nouam ciuitatem ordinare debuerent. Quae bene recteque ordinata dici non potuerit, nisi instituto consilio aliquo publico, vel senatu, h. e. lectis ex omni colonorum numero *decurionibus*, qui negotia publica curarent. Id praeterea confirmari potest eo, quod Cicero ***) de Rulli lege prodidit: qua hominem, ait, voluisse, ut \overline{X} viri quinque millia colonorum Capuam deducerent, et ibi *centum decuriones* cet. constituerent, ac nouae coloniae praeficerent. Quos igitur hac in colonia \overline{X} viri creare debebant *decuriones*, eos in aliis haud dubie \overline{III} viri, \overline{V} viri, cet. legerunt, nouaeque ciuitati praefesse iusserunt. In *municipiis* autem, credibile est, *decu-*

*) Eius commentatio in libro Italico, Nuova Raccolta d' opuscoli scientifici e filologici, T. VII. p. 417. f. exstat.

**) Nomen hoc satis ma-

gnificum affectasse tam colonias, quam municipia, complures ostendunt lapidum tituli. conf. Marmor. Pilaurenf. commentar. p. 15.

***) Agrar. II. c. 35.

decuriones omnium primos si non iussu, at commendatione tamen S. P. Q. R. constitutos esse, quo tempore cuique ciuitatis Rom. ius est datum. Quid? quod Romanorum belli dux, qui vel oppidum aliquod vi ceperat, vel regionem aliquam in prouinciae R. formam redegerat, ipsius incolis leges, quas hoc in negotio obseruarent, imposuisse videtur: quod de diuersis Siciliae oppidis testatur Cicero *); de Bithynis, et Ponticis, Plinius secundus **): qui hos ait, hac in re, vti lege Pompeia, quod Cn. Pompeius, deuicto Mithridate, eum agrum in prouinciae formam redegerat.

Decurionum creandorum numerus adeo non vnus idemque esse potuit, vt potius, pro ciuitatis cuiusque magnitudine, ciuium numero, negotiorum copia et grauitate, variare debuerit. In quibusdam si *centum* legimus vel constitutos, vel constitui iussos; in aliis credibile est, multo pauciores fuisse. Horum in ordine qui ceteris erant praestantiores vel aetate, vel censu, vel dignitate et prudentia; eis etiam, veluti primis, primus in ipsa *decurionum* descriptione locus adsignatus est, addita simul numeri nota, quot eorum in vno municipio, vnaue colonia essent. In aliis enim $\overline{\text{V}}$, $\overline{\text{X}}$ in aliis, vel plures etiam fuere, qui reliquis auctoritate et honore antecellerent. Ex quo, reor, intelligetis, qui sint *quinque-primi*, *decem-primi*, *quindecim-primi*, in monimentis et a scriptoribus antiquis passim memorati: qui tamen ab ipsis magistratibus, vti Romae a Cofs. senatores, probe discernendi sunt ***).

Decu-

*) in Verrin. l. II. c. 49. 67; III. 28, 31; pro Rosc. f. qui locus huius instituti Am. 9; de Nat. Deor. l. III. 30; Iul. Caes. de B. C. l. I. 35. conf. Walchii Dis-
 **) Lib. X. ep. 113. fert. de Publio Πρωτο-Με-
 ***) v. Cic. Verr. II. c. D liten-



Decurionum numerus siquo casu esset deminutus, adeoque loca in curia vacua: is diuersa via et ratione expleri potuit, debuit: in quo negotio leges, primum sancitae, rursus erant obseruandae. Primum adlecti sunt, qui ex *decurionibus* erant nati *): quos quidem *originales*, siue *origine curiales* **), item, *qui patre maioribusue decuriones essent* ***) vsurpare, moris fuit: in quo tamen non tam matris, quam patris originem sequebantur. Hinc *decurionum filii* XVIII annorum, quamquam potestate patria necdum soluti, muneribus ciuicis adstringi iubentur ****). Alii legebantur vel a *censoribus*, nimirum municipalibus vel colonicis †), vel ab ipso *decurionum ordine* ††), qui *designati, nominati, electi*, vocabantur; vel denique singulari imperatorum beneficio quibusdam ciuitatibus super legitimum numerum adiciebantur. In quibus cooptandis tum prudentiae, grauitatis, integritatisque, tum census, meritorum in ciuitatem, atque domicilii ratio habenda fuit †††). Primam quasi proprietatem in *decurionibus* legendis spectatam esse, nemo facile inficiatum ibit: ciuitati enim vniuersae, ac ciuibus singulis, consulere debuerunt. De reliquis vt itidem constet, auctorum veterum testimonia, vel monimenta alia, sunt adferenda. *Census* rationem habitam esse apparet ex Cicerone ††††) et Plinio †††††) haec ad *Firmum* scribente: „Esse tibi „centum millium censum, satis indicat, quod apud „nos, (sc. *municipes Comenses*) „Decurio es. „Igi-

litenfium ad Act. 28, 7. p. 52. ff.

*) v. Cod. Theodos. tit. de Decur. l. 13. 74. 58. 98.

**) ibid. l. 13. 38. 58. 96. eiusd. tit.

***) l. 147. eiusd. tit.

****) leg. 7. ei. tit.

†) Plin. l. X. ep. 83. 113. 115.

††) leg. 66. eiusd. tit.

†††) l. 140. ei. tit.

††††) loc. cit.

†††††) l. I. ep. 19; X. 113.



„Igitur ut te non decurione solum, verum etiam
 „equite Rom. perfruemur, offero ad implendas
 „equestres facultates CCC millia numum.. Et
 erat certe, cur cuiusque censum spectarent: decu-
 riones enim impensas longe maximas, quod post-
 hac docebo, facere oportuit. Tum civium in ci-
 uitates, cuiusque suam, merita ponderata legimus,
 in decurionibus adlegendis: id quod e non paucis
 vetustorum saxorum titulis liquido apparet. Ex-
 emplum simile, plura ut taceam, habetis in Gru-
 terianis *).

SEX . VENCIO
 I V V E N T I A N O
 FLAMINI . DIVI . AVG
 ITEM . FLAMINI . ET . CVRA
 TORI . MVNERIS . GLADI
 ATORI . VILLIANI . ADLEC
 TO . IN . CVRIAM . LVGV DV
 NENSIVM . NOMINE
 INCOLATVS . A . SPLEN
 DIDISSIMO . ORDINE
 EORVM
 ORDO . VOCONTIOR
 EX . CONSENSV , ET . POS
 TVLATIONE . POPVLI
 OB . PRAECIPVAM
 EIVS . IN . EDENDIS
 SPECTACVLIS . LI
 BERALITATEM

Denique commorationis locus etiam spectatus:
 quam ob causam nonnulli duarum civitatum, vel
patriae ratione, vel incolatus vinculo et iure **) de-
 curiones fuisse deprehenduntur. Quod non eius

D 2

tan-

*) p. cccclxxxiii.
 n. 2.

**) v. Cod. Theodos. l.
 12. tit. de Decur.



tantum lapidis, quem illico attuli, sed alius etiam, in iisdem Gruterianis *), titulus plane demonstrat:

L. LVCRETIO. SEVERO. PA
TRICIENSI. ET. IN. MVNICI
PIO. FLAVIO. AXATITANO
EX. INCOLATV. DECVRIONI
QVAM. TESTAMENTO. S
PONI. SIBI. IVSSIT. DATIS. SPOR
TVLIS. DECVRIONIB.
M. F. AXATITANI **) SIMVS XII.

Ex eo lecto examinatoque cernitis, I. O. *L. Lucretium Seuerum*, cuius in honorem vna cum hoc titulo posita erat *statua*, (quam quinti versus sigla S. haud dubie significat) duarum ciuitatum *decurionem* fuisse: nimirum *coloniae Patriciae*, quod Hispaniae oppidum frequentius *Corduba* vsurpatur, et *municipii Flavii Axatitani*, vel *Axalitani*, quod Buischingius, V. Celeb. mauult ***), qui vicum hodie *Lora* dici simul affirmat. Is quoniam in ciuitate posteriori, *ex incolatu* dicitur *decurio* fuisse, idem in priori, nimirum *colonia Patricia*, alia de causa, nimirum *patriae ratione*, fuerit, necesse est. Quod nisi concedatur, *τὰ ex incolatu* temere inconsiderateque adiecta videtis. Eodem modo lapidis Nolani, apud eundem Gruterum †), titulum, quo P. SEXTILIUS P. F. FAL. RVFVS, POMPEIANVS DECVRIO, ADLECTVS EX VETERIBVS NOLANIS dicitur, interpretandum esse, res ipsa clamat ††). Alii denique fuerunt *decurio*.

*) p. ccccxxxii. n. 7.

**) fortasse: NVNIS.

***)) Geograph. tom. II. p. m. 203.

†) p. cccclxviii. n. 9.

††) Similis lapis (qui in Marmor. Taurinens. P. II. n. clxxv. p. 137. exstat) P. Metellum et Taurini, et Eporediae decurionem, ac prae-



curiones spontanei, qui *soli genitalis amore*, nomina sua curiis addixerant, h. e. qui amore in patriam adducti, in decurionum numero esse, et curiarum coetibus interesse, sua sponte voluerant: quibus

praeterea ibi quaeSTOREM, hic II virum fuisse testatur: quae munia tamen non nisi diuersis temporibus ipsum obire potuisse iudicant marmorum editores, Antonius RivauteLLa, et Io. Paullus Ricolui, VV. C. C. Quae, si de *quaestura* et II *viratu* dicta velint, facile concedo: sin etiam de *decurionatu*, istis adstipulari nequeo. Qui enim in hunc cooptatus erat ordinem, omnem aetatem in eo transigere solebat, nisi grauissimis de causis senatu a censoribus eiceretur. (Plin. l. X. ep. 15). Quod duumviros, quos dixi, vt multa alia, latuisse miror. Hi in aliis etiam interpretandis, quam decuit marmorum editores, eruditionem non ostenderunt ac prae se tulerunt: vt in hac (ibid. n. CXI. pag. 108.)

C. IVL. CAESAR. C. F.
DE . GALLEIS
H . ALLOBROGIBVS
. . . PHAVIT

qua descripta, addunt: „Hanc quoque aut spuriam, „aut corruptam prorsus ducimus. Emendare vero et „interpretari qui velit, ille „nobis erit *Magnus Apollo*. „Ego vero, qui me haud-

D 3

post-

quaquam *Apollinem*, nedum *Apollinem magnum* esse iuxta scio, ac fateor, illico peruidi, eam nec spuriam, nec deprauatam esse; nec difficilem denique ad emendandum atque interpretandum. Nam τὸ GALLEIS pro GALLIS, centies in lapidibus ac numis reperitur, vt infra DEIXISTIS, PRODIXISTIS: τὸ H pro ET positum est, quod itidem saepenumero reperitur: et in vocabulo postremo deficiunt litterae TRIVM quae reliquis adiectae, efficiunt TRIVMPHAVIT. Quo facto, clara omnia et perspicua sunt; nimirum, C. IVLIUS. CAESAR. Caii. Filius. (quem vel tirones ex ipsius Commentariis, ex Tullii, Suetonii, aliorum libris norunt) DE. GALLIS. ET. ALLOBROGIBVS (qui erant inter complures Galliarum populos, a Caesare deuictos) TRIVMPHAVIT. Quod verum esse, historia itidem confirmat. Marmor qui edere et interpretari adgressus, in rebus adeo facilibus, perspicuisque allucinatur; nae is perexiguum doctrinae suae documentum edere, sibi parum auctoritatis et existimationis conciliare videtur.



hac inde discedendi potestas erat nulla *). Ceterum homines communiter omnes, quamuis censum haberent, in decuriones adlegere non licuit. Id quod Leptam docet Cicero **): „Quaesiui e Balbo, quid esset in lege: rescripsit, eos, qui facerent „praeconium, vetari esse in *decurionibus*: qui fecissent, non vetari„. Ergo curia excludendus erat, *praeconio* qui operam dabat; qui *tabellionis* officio ***) fungebatur, et, ut paucis praecidam, quicumque sordido vitae instituto quaestum faciebat.

Decuriones quum coloniarum atque municipiorum senatores essent, suarumque ciuitatum saluti et incolumitati consulere deberent; eorum munia et officia quin complura fuerint et diuersa, dubium profecto est nullum. Ea ut variis comprehenduntur nominibus, ita iuxta longum ac difficile fore intelligetis, omnia et singula dicendo persequi. Hinc non nisi pauca, et praecipua, indicabo. Nimirum ad *decuriones*, (si a iuris dicundi prouincia, quae penes praesidem Rom. a Coss. vel imperatore missum, aut penes ciuitatis cuiusque II viros esse solebat, aliisque a negotiis, quorum curatio aedilibus vel quaestoribus permittebatur, discesseritis) ciuitatum, quemque suae, salus pertinet, ita, ut singuli videre deberent, nequid ea detrimenti caperet: in primis vero prudens redituum publicorum administratio, operum publicorum cura, annonarum exactio, tributorum adscriptio: tum iudicum sententias exsequendis, et legationes obeundi munus, cet. Praeterea creabantur *susceptores* aliis in prouinciis, suae periculo nominabant eiusmodi *susceptores*, h. e. vel redemptores, vel redituum exactores. Erant etiam mettal-

*) v. Cod. Theodos. tit. de Decur. l. 172. et alijs.

**) ad Diu. l. VI. ep. 18.

***) leg. 3. eiusd. tit.

tallorum procuratores, adeoque ipsorum facultates descriptionibus atque contributionibus obnoxiae: et quae alia in legibus vtriusque codicis commemorantur. Quae omnia ut multa aequae, ac perquam molesta fuere, ita fecerunt etiam, ut curias non pauci cane peius et angue fugerent, legesque sancienda essent, quibus homines ad obeunda decurionatus munia adstringerentur. In quibus miror de religionis tuendae cura, quae itidem ad eos pertinuit, nihil dictum esse. Nam si quis Dei Deaeue aedem, vel aram publicam, aliquo loco exstruere, ac dedicare constituerat; rem istam adgredi non licuit, nisi ex *decreto decurionum*. Quod siglae L. D. D. D. h. e. *Locus Datus Decreto Decurionum*, plerumque indicare solent: quas tamen in votis causisque priuatis adhibitas, aliter interpretandas esse vidit, monuitque Reinesius *). Luculentum dictorum exemplum, siquod legere aueatis, exstat in Marmoribus Taurinensibus **): quo in saxo haec incisa sunt: .

I S I D I

T . MINVCONIVS

ALEXANDER

V . S . L . D . D . D .

quae siglae, quoniam Isidis caput in marmoris coronide cernitur, adeoque res ad istius Deae cultum pertinuit, significant Votum. Soluit. Locus. Datus. Decreto. Decurionum ***). Saepe tamen non nisi siglae D. D. h. e. *Decreto Decurionum* reperiun-

D 4

periun-

*) Syntagm. Inscript. antiquar. p. 42.

**) Part. II. p. 110. n. cxv.

***) Lapidés, iisdem siglis, vel similibus notati, exstant in Reinesianis, cl. I. n.

cxv. et n. ccxxxiii; Gruterianis, p. xvii. n. ii; xxii. n. 4. alibi; in Pisavrens. Part. I. p. i. n. i. al. in Antiquitt. Aquileiensibus p. 87. n. lv. et p. 89. n. lviii.



periuntur: vt, in Gruterianis *), aliis. Huius formulae loco, alia, nimirum EX S. C. in saxo Praenestino, ad sacellum, vsurpata est: quae, quod iamdudum nostis, idem istud significat, et oppidorum minutorum Decuriones non raro *Senatus* nomen sibi arrogasse, simul confirmat. Ceterum operae pretium me facturum existimo, siquod *Decurionum Decretum* heic loci adferam, vt vos, et alii, si qui futuri sint huius opusculi lectores, talium monumentorum rationem vniuersam, formam, formulasque sollennes inde perspiciatis. Id perscriptum fuit a *Caeritum decurionibus*: qui *Vesbino*, Aug. liberto, quem ab iis locum ad *Phetrium* aedificandum petierat, eo ipso dederunt. Appellabatur autem *phetrium*, pro *phratrium*; quemadmodum, teste quidem Polluce **) et Eustathio ***), *Φάτροες* pro *Φεάτροες* solebant dici: et locus erat, in quo *Augustales* conuenire solebant, vel ipsa eorum *curia*. Exstat isthoc in Gruterianis †). Tabula marmorea, ex qua descriptum est, seruabatur quondam apud Maphaeium, Patrum Purpuratorum collegio adlectum. Quae vtrum hodieque supersit? et, si superat, vbi locorum seruetur? id vos, etiam si peruelim, docere non possum.

Sed vnde digressa est, eo reuertatur nostra oratio. *Decuriones* isti, si *curialia*, quae dicebantur, *onera* omni, qua par esset, fide subierant, si omnibus officii sui muneribus recte defuncti, et ex popularium testimonio nunquam non integri vitae, scelerisque puri fuerant; insignibus etiam honoribus, tanquam praemiis, ornari sunt soliti. Primum enim, siue per annos, siue per prudentiam, aut alia in remp. merita, *Decem-primi*, vel *principales* vsur-

*) p. x. n. 2; xxi. n. II.

**) Onomast. l. III. c. 4.

***) ad Ia. β.

†) p. ccxiii.

VTRI

. A

NATV

DM .

EX. HOS

QVOD .

CRIS

VNDO . P

XXVII

MAN . TEMP

VT . VTI .

COCVITQ .

EP SVETON

AELIS . PO

INCVRAT

VLICE . IN .

PH GRATIAE

SCON . EST .

CVTIRE . VO

EX SET . T

ET DVVS . SEP

A . P

. 1SD

VESBINVS . AVG . L . PHETRIVM . AVGVSTALIBVS
 MVNICIPI . CAERITVM . LOCO . ACCEPTO . A . RE . P
 SVA . INPENSA . OMNI . EXORNATVM . DONVM . DEDIT
 DESCRIPTVM . ET . RECOGNITVM . FACTVM . IN . PRONAO . AEDIS . MARTIS
 EX . COMMENTARIO . QVEM . IVSSIT . PROFERRI . CVPERIVS . HOSTILIANVS . PER . T . RVSTIVM . LYSIPONVM
 SCRIBAM . INQVO . SCRIPTVM . ERAT . IT . QVOD . INFRA . SCRIPTVM . EST

L . PVBLILIO . CELSO . II . C . CLODIO . CRISPINO . COS . IDIBVS . APRILIB

M . PONTIO . CELSO . DICTATORE . C . SVETONIO . CLAVDIANO . AEDILE . IVRI . DICVNDQ . PRAEF . AERARI . COMMENTARIVM . COTTIDIANVM . MVNICIPI
 CAERITVM . INDE . PAGINA . XXVII . KAPITE . VI

**
 M . PONTIVS . CELSVS . DICTATOR . ET . C . SVETONIVS . CLAVDIANVS . DECVRIONES . IN . TEMPLO . DIVOR . CORROGAYERVNT . VBI . VESBINVS . AVG . LIB . PETIT
 VT . SIBI . LOCVS . PVBLICE . DARETVR . SVB . PORTICV . BASILICAE . SVLPICIANAE . VTI . AVGVSTALIB . IN . EVM . LOCVM . PHETRIVM . FACERET . VBI . EX
 CONSENSV . DECVRIONVM . LOCVS . EI . QVEM . DESIDERAVERAT . DATVS . EST / PLACVITQ . VNIVERSIS . CVRIATIO . COSANO . CVRATORI . OB . EAM . REM
 EPISTVLAM . MITTI / IN . CVRIAM . FVERVNT . PONTIVS . CELSVS . DICTAT . SVETONIVS . CLAVDIANVS . AED . IVRIDIC . M . LEPIDIVS . NEPOS
 AEDIL . ANNON . POLLIVS . FLANDVS . PESCENNIVS . FLAVIANVS . PESCENNIVS . NATALIS . POLLIVS . CALLIMVS . PETRONIVS . INNOCENS . SERGIVS . PROCVLVS
 INDE . PAGINA . ALTERA . KAPITE . PRIMO / MAGISTRATVS . ET . DECVRION . CVRIATIO . COSANO . SAL . IDIB . AVG . DESIDERANTI . A . NOBIS
 VLPIO . VESBINO . CONSILIVM . DECVRION . COEGIMVS . AQVIB . PETIT . VT . SIBI . LOCVS . PVBLICE . IN . ANGVLO . PORTICVS . BASILIC . DARETVR . QVOD . SE . AVGVSTALIB
 PHETRIVM . PVBLICE . EXORNATVRVM . SECYNDVM . DIGNITAT . MVNICIPI . POLICERETVR . GRATIAE . HVIC . ACTAE . SVNT . AB . VNIVERSIS . PLACVIT . TAMEN . TIBI
 SCRIBI . AN . IN . HOC . QVOQVE . ET . TV . CONSENSVRVS . ESSES . QVI . LOCVS . REI . P . IN . VSV . NON . EST . NEC . VLLO . REDITV . ESSE . POTEST . INDE . PAGINA . VIII . KAPITE . PRIMO
 CVRIATIVS . COSANVS . MAG . ET . DEC . CAERETANOR . SAL . EGO . NON . TANTVM . CONSENTIRE . VOLVNTATI . VESTRAE . SET . ET . GRATVLARI . DEBEO . SIQVI . REM . P . N
 EXORNAT . ACCEDO . ITAQ . SENTENTIAE . VESTRAE . NON . TANQVAM . CVRATOR . SET . TANQVAM . VNVS . EXSORDINE . CVM . TAM . HONESTA . EXSEMPLA
 ETIAM . PROVOCARI . HONORIFICA . EXORNATIONE DEBEAT / DATA . PRID . IDVS . SEPTEMBR . AMERIAE

ACT . IDIB . IVNIS . Q . NINNIO . HASTA . P . MANILIO . VOPISCO . CoS
 DEDICATVM . K . AVG . ISDEM . CoS

*) A. V. C. 865.

**) Pontifex Dictator. Albanus.



vsurpati, singulari prae reliquis fuerunt auctoritate *). Quod nisi memoria teneamus, saepe, quem intelligere deceat, haesitabimus, quando in lapidibus *decurionem primum* **), vel *decurionem secundum* ***), quicquam aut fecisse, aut adeptum esse legimus. Ex quo sequitur, eos, quod supra iam dixi, haud dubie primos in *decurionum albo* positos fuisse; fortasse etiam, in consilio publico, ut Romae *princeps Senatus*, virique consulares, primos sententiam rogatos: neque tamen propterea magistratus ipsos, ut, duumviratum, aedilitatem, censuram, cetera gessisse. Hos tamen, uti et reliquos, consequi et poterant, et solebant etiam †). Quid? quod *decuriones* magistratus novos, si non creare, certe quidem creatos ab uniuerso populo, confirmare debuerunt. Vtrumque testantur lapidum complurium tituli ††), quos, si opus foret, transcribere possim. Tum publicis non raro ornati sunt monumentis, quibus eorum singularia in ciuitatem merita †††) ab obliuione vindicarentur. Deinde hoc quasi priuilegio si non omnes, certe quidem *decem-primi*, muniti fuerunt, ut obnoxii non essent corporis iniuriis et poenis,

D 5

siue

*) v. Cic. Verr. II. c. 67; pro Rosc. c. 9. item in Cod. Theodos. tit. de haeres. l. 54: quin apud Gruterum, p. LXXXVIII. n. 4; CCCXXXVIII. n. 7; Reinesium, cl. VII. n. 12. alios.

**) in Reines. cl. I. n. 99.

***) in Gruter. p. XXXVI. n. 2.

†) Vnde Paullus, Ictus (l. 7. §. 2. D. de Decur.) Is, inquit, qui non sit decurio, duumviratu, vel aliis hono-

ribus fungi non potest: quia decurionum honoribus plebei fungi prohibentur.

††) ut, in Gruter. pag. CLXXXV. n. 4. memoratur PRAEF. IVR. DIC. AB DECVRIONIB. CREATVS; p. CCCXXXVIII. n. 8. AVGV. EX. D. D. CREATVS; alii p. CCCVIII. n. 5; CCCLIII. n. 7.

†††) v. in Gruterianis p. CCCCLXXXVIII. n. 9. 12; p. CCCXXXV. n. 3. al.



siue quaestionibus *): maxime quidem *plumbatarum* *ictibus* **). Eo locis compluribus respexit Libanius: item Prudentius libro *περὶ σεφάωνων*, hymno X. v. 108 ff. vbi haec cecinit:

Incensus his Asclepiades, iusserat
Eviscerandum corpus eculeo eminus
Pendere, et vicis vinculisque crescere.

Adparitores sed furenti suggerunt,
Illum vetusta nobilem prosapia,
Meritisque multis esse PRIMVM CIVIVM.
Iubet amoueri noxialem stipitem,
Plebeia CLARVM poena ne damnet virum.

Tundatur, inquit, terga crebris ictibus:
PLVMBEoque ceruix verberata extuberet.
Persona quaeque competenter plectitur;
Magnique refert, vilis an sit nobilis,
GRADV reorum forma tormentis datur.

Pulsatus ergo martyr illa GRANDINE,
Postquam inter ICTVS dixit hymnum PLVMBEOS,
Erectus infit: Absit, vt me nobilem
Sanguis parentum praestet, aut LEX CVRIAE:
Generosa Christi secta nobilitat viros.

De quo *plumbatarum supplicio* si plura legere aueas, MI WINKLERE, non nisi *Patris optimi* dissertatio, docte, vt eius omnia, eleganterque *de supplicio plumbatarum media aetate usitato*, scripta, et A. O. R. *CIΘIOCCXXXIII*. promulgata, TIBI lectitanda erit. Ea TE non haec tantum, quae huc pertinent, docere potest, sed etiam, multiplicem et exquisitam *Patris Clarissimi*, suisque laudibus florentissimi, eruditionem quasi ante oculos sistens, ad Ipsius exemplum recte, et vti filium decet *καλοῦ γαθον*, nunquam non imitandum, ducet, trahet, rapiet. Sustines enim, mihi crede, non exiguum exspectationem imitandae industriae patriae, magnam honorum, non postremam quoque nominis.

*) l. 14. D. de Dec. et fil. eor.

**) Cod. Theodof. leg. 39. 47. 80. 85. tit. de Decur.



minis. Quare quantum conniti animo potes, quantum labore contendere, si discendi labor est potius, quam voluptas: tantum fac, vt efficias, *Patris* que tam *Eximii* similis euadas: neue committas, vt cū omnia *TIBI* suppeditata sint a *Parentibus Optimis*, ipsaque fortuna, *TV* te *TIBI* defuisse iudicare. Sed haec haëtenus, et Ciceronis quidem verbis. Porro *decuriones* erant immunes, adeoque liberi ab omnibus ciuium aliorum muneribus, vt, praefectura annonae, mansionum, cet.*). Quibus qui nihilo secius defungi voluerat, is singularem apud populares inire solebat gratiam, praecipuoque honore dignus haberi. Vnde fit, vt eiusmodi merita singularia in lapidibus non raro commemorentur: vt, in Gruteriano aliquo **) laudatur *Veratius Seuerianus* eo nomine, quod *ADLECTVS . IN . ORDIN . DECVRION . CVM . PRIVILEGIO . SACERDOTI . CAENINENSIS . MVNITVS . POTVISSET . AB . HONORIB . ET . MVNERIB . FACILE . EXCVSARI . PRAEPOSITO . AMORE . PATRIAE . ET . HONOREM . AEDILITAT . LAVDABILITER . ADMINISTRAVERIT . ET . cet.* Aliorum merita alia in aliis praedicantur. Denique eosdem honorem *ex-comitibus*, item ius et potestatem ludos, si quidem vellent, edendi consequutos esse, leges demonstrant ***).

Quod superest, collegium eiusmodi senatorum *municipalium* atque *colonicorum* accepimus *ORDINEM* κατ' ἐξοχήν usurpatum esse. Municipia enim et coloniae, vt in aliis, ita in hoc aemulabantur Romam, quod ciuitatis suae homines itidem tum in *senatum* et *populum*, tum in *TRES ORDINES*

*) leg. 75. eiusd. tit. Cod. Theodof.

***) leg. 75. tit. de Decur. et leg. 3. tit. de Scen.

**) p. CCCCLXXXIII. n. 6. Cod. Theodof.



NES distribuerent*). Reip. Rom. ordinī senatorio respondit ordo *decurionum*, siue *curialium* ac *bulentorum*: e quibus magistratus, vt, *duumviri*, quasi consules, *praefecti iuri dicundo*, quasi praetores, *aediles*, *quinquennales*, loco *ensorum*, quo nomine eos saepenumero vocarunt, alii, creati sunt. *Equitum* R. seu *ordinis equestris* quasi simulacrum erant *equites municipales*: qualem, non sine multo salē, M. Ciceronem appellauit Iuuenalis**); quales sexcenti alii in lapidibus vetustis vsurpantur, vt, Gruterianis***), alibi. *Plebi Rom.* aequiparari potest reliqua coloniae municipiue plebes, a decurionibus gubernari solita. De ordine equestri et plebeio non attinet hic disputare: de *decurionum collegio* pauca censeo adiicienda. Id plerumque *ordinem* κατ' ἐξοχήν vsurpatum esse, paullo ante dixi: et, quod dixi, confirmare possim, si opus sit, praeter multa auctorum veterum loca, compluribus lapidum inscriptionibus. Euoluite saltem, si placet, thesaurum Gruterianum†), vt rem ita esse videatis. Praeterea, honoris causa, AMPLISSIMVS, SPLENDIDISSIMVS, NOBILISSIMVS, CLARISSIMVS, SANCTISSIMVS dici consuevit: quod discere licet ex Cicerone††), et marmoribus vetustis: vt, Gruterianis†††), Taurinensibus††††), aliis. Nonnunquam *ordinis* vocabulo ipsum *decurionum* nomen quasi per pleonasmum adiectum vidimus: vt, in faxis Gruterianis†††††) ORDO. SANCTISSIMVS. DECVR. Plura de industria, ne iusto sim copiosior, silentio praeter-

*) p. 37. et 47.

**) Sat. VIII. 238.

***) p. CCCXXXXV. n. 10; MXXX. n. 5.

†) p. XXXX. n. 12; CIII. n. 7; CCLXIII. n. 4; CCLXXVI.

n. 5; CCCCXXVI. n. 8.

††) pro Coelio c. II.

†††) p. CCCXXXXVIII. n.

I; CCLXXI. n. 1; CCCXXXXVII. n. 1; CCLXXVI. n. 7; CCCXVII.

n. 10; CCCIII. n. 8.

††††) Part. I. p. 143.

†††††) CCCCLXXXIII. n. 5.



termitto. Exempla alia Schwarzius V. Cl. protulit *): cuius libellum et a vobis, et a quocunque lectore, harum rerum cupido, hac super causa aditum velim. Nec male feceritis, si, quae Norisius, scriptor longe celeberrimus **), de colonicis potissimum decurionibus et magistratibus erudite scripsit, hac in quaestione legere, et cum nostris comparare non grauemini. Ceterum vos, hunc locum anquirentes, nunquam non meminisse decet, ea, quae haecenus a me dicta, et testimoniis, monumentis vetustis, ac legibus demonstrata sunt, in plerisque municipiis atque coloniis usu venisse; nec tamen defuisse, in quibus instituta alia obtinerent: ut in Bithynis et Ponticis ciuitatibus, quarum incolas, lege aliqua Pompeia, ad singularia quaedam obseruanda adstrictos fuisse, supra dixi; ut, Antiochiae, cuius *curia*, per singularem Imperatorum R. indulgentiam, vindicare sibi potuit ciuem, qui matre, decurionis filia, quamquam patre non decurione, natus esset †), quum aliis in ciuitatibus non nisi patris haberetur ratio in decurionum numero explendo ††). Consimile discrimen in locis aliis, alias ob causas, locum habuisse, perquam facile ad credendum est, etiamsi certum sit, qui cuncta inuestigare, et, ut ita dicam, ad viuum refecare queat, hodie esse neminem.

Verba tituli, de quo disputamus, consequentia, OB LIBERALITATEM admodum frequenter exstant in faxis vetustis: nec vos, quid ea hoc loco significant, latere potest. Eis Ipsi videtis laudari N. Popidii munificentiam eam, qua Isidis aedem,

*) Miscellan. polit. humanit. l. c.

†) leg. 51. C. Theodos. tit. de Decur.

**) in Cenotaph. Pis. Disfert. I. et II.

††) leg. 101. ei. tit.



dem, terraemotu conlapsam, suis sumtibus instaurauerat. Quod pro tanto in rem Pompeianam merito habitum est, ut ipsius auctorem singulari remuneratione dignum iudicarent *decuriones*. Quae qualis fuerit, posthac exponetur. In praesenti hoc saltem obseruatum velim, *decuriones Pompeianos* habuisse, et quos sequerentur ipsi, et quos ad se imitandos adducerent. Reperimus profecto tam in historia, quam in monimentis aliis, non paucos, ob quaecunque in remp. suam meritum, aut honoribus esse auctos, aut statuis, vel ornamentis certe decurionalibus ornatos. Prisci enim, Graeci non minus, quam Romani, non tantum scelera et flagitia, uti nos hodie, poenis suppliciiisque persequendo, sed etiam recte honesteque facta, in primis merita in remp. publice remunerando, populares ad virtutis studium et egregia facinora excitandos censuere. Hoc iam ex *Caelitum Scto*, quod supra protulimus, intelligere potestis. Qua via et ratione quam prudenter egerint, nosque prudentia longe superarint, dignum sane foret, quod quispiam recte indaget, indagatum ob oculos virorum principum ponat. Sed locum, quoniam huc non pertinet, tangere saltem, non dicendo persequi possum. Id potius, quod adgressus sum, exsequar, et paucis, quae saxorum monimenta suppeditant, exemplis demonstratum ibo. Dignus in primis remuneratione aliqua publico visus est, qui pius in Deos, ad horum cultum prouehendum, quicquam fecisset. Hoc quum saxum, de quo quaeritur, Pompeianum demonstrat, tum aliud in Gruterianis*) positum in *L. Munatii* honorem, QVOD . AEDM . SATVRNI . FECERIT; in primis vero id, quod a Pingonio et Gorio iam edi-

*) ccccxviii. n. 8.



editum, Du Boze *) commentario singulari interpretatus est. Hòc, quoniam singularia quaedam tradit, huc transcribere placet, vt, in quo interpretando ingenium exercere possitis, habeatis:

TAVROBOLIO . MATRIS . D . M . I . D
 QVOD . FACTVM . EST . EX . IMPERIO
 MATRIS . IDEAE . DEVM
 PRO . SALVTE . IMPERATORIS . CAESARIS
 T . AELII
 HADRIANI . ANTONII . AV G . PII . P . P
 LIBERORVMQVE . EIVS
 ET . STATUS . COLONIAE . LVGDVNENSIS
 L . AEMILIVS . CARPVS . IIIII VIR . AVG
 ITEM . DENDROPHORVS
 VIRES . EXCEPIT . ET . AB . VATICANO
 TRANSTVLIT . ARAM . ET . BVCRANIVM
 SVO . IMPENDIO . CONSEGRAVIT
 SACERDOTE
 Q . SAMIO . SECVNDO . AB . XV . VIRIS
 OCCABO . ET . CORONA . EXORNATO
 CVI . SANCTISSIMVS . ORDO . LVGDVNENSIS
 PERPETVITATEM . SACERDOTII . DECREVIT
 APP . ANCO . ATIL . BRADVA
 T . CLOD . VIBIO . VARO . COS
 L . D . D . D

Qui titulus in Marmor. Taurinens. etiam exstat **): quo loco plura de Taurobolio, et huius ritibus exponuntur. Cuiusmodi piis aduersus Deos hominibus adnumerabantur etiam, qui suis impensis munera in ipsorum honorem edidissent. Talis munificentia laudata et commendata fuit in lapide Gruteriano ***)

A. MV-

*) in Memor. Academ. Inscript. et artium elegantiorum, T. II. p. 475.

**) Part. I. p. 19.

***) p. ccccxxxx. n. i. Alios huic similes reperietis ibidem



A . MVNIO . A . F
 MIN . EVARISTO
 SPL . EQ . R . PAT . COL
 OMNIBVS . HONOR
 NITIDE . FVNCTO . OB
 INSIGNEM . EIVS . EDITIONEM
 MVNERIS . BIDVI . POPVLO
 POSTVLANTI . BIGAM
 PLACVIT . EQVEST . STATVA
 DECRETO . ORDINIS . EVM
 ORNARI

L . D . D . D

Dignus eiusmodi remuneratione publica iudicatus est, qui, pecunia sua in difficillima reip. tempora collata, eam interitu liberasset; quo nomine laudantur non pauci in Gruterianis *), aliis: dignus, qui qualiacunque opera publica, vt, aedes sacras, moenia, vias publicas, aquas, item annonam et redditus publicos recte honesteque curasset; quod itidem apparet ex Gruterianis **), aliis; item qui balnea condidisset, siue res ad lauationem necessarias gratis suppeditasset; quod Gruteriani varii testantur ***): dignus, qui legationem, pro reip. incolumitate, suis sumtibus, suscepisset, vti discimus ex Gruterianis †): dignus, qui res ad vitam tuendam necessarias, popularibus suis liberali animo largitus, vel quacunque alia via et ratione de patria optime promeritus esset; cuius rei documen-

to

ibidem p. CCCLII. n. I;
 CCCIII. n. 2; CCCVIII.
 n. 3. alibi.

*) p. CCCXXXVIII. n.
 6; CCCXXXIII. n. I;
 CCCLV. n. 4; CCCCLVI.
 n. I.

**) p. CCCCVII. n. 7;
 CCCXIII. n. I; CCCXXVIII.
 n. 6; CCCCLXXXVIII. n. 12.

***) p. CCCXXII. n. 9;
 CCCCXXXI. n. 3;
 CCCXXXIII. n. 8.

†) p. CCCCLXXVIII. n. 8;
 CCCCLXXXVIII. n. 9.

to esse possunt tituli quamplurimi in Gruterianis*), aliis. Nonnunquam etiam viros de rep. bene promeritos funere publico, laudatione, cet. dignos legimus existimatos: quod, praeter alia, hoc marmor Gruterianum comprobat **).

Q. TRAI. Q. TRAI. AREIANI. FIL
QVIR. AREIANO. ARVENSI
HVIC. ORDO. MVNICIPII. FLAVII
ARVENSIS. OB. MERITA. LAUDATION
IMPENSAM. FVNERIS. LOCVM. SEPVL
TVRAE. T. STATVAM. DECREVIT
AEMILIA. LVCIA. MATER. ET
SERGIVS. RVFINVS. FRATER. EIVS
H. V. IMPENSAM. REMISERE

Postremi versus verba postulant, vt heic loci nonnulla explicare debeam. Siglae, H.V. quas cernitis, I. O. significant, *Honore Vsi*: quibus, et verbis consequentibus, Q. Traii mater fraterque docent, sese decretum, eius honorandi causa factum, pro singulari habuisse gratia, et honorem, ei destinatum, accepisse quidem, neque tamen permisisse, vt sumtus, ad ea omnia necessarii, vel ex aerario publico depromerentur, vel, quod item factum constat, aere collato pararentur; sed *impensam remisisse* ciuitati, et quaecunque ex decurionum decreto fieri debuissent, sua pecunia facienda curasse. Id quod a multis aliis factum commemoratur in saxi, tum hac ipsa *Ῥεάσει*, tum aliis. Vt, in Gruterianis, p. CCCLXXXIII. n. 7. HONORE. VSVS. IMPENSAM. REMISIT; vel p. CCCLXXXX.

*) p. CCCLXVII. n. 5; CCCLVII. n. 5.

CCCCIII. n. 5; CCCCXXXVIII. n. 6; CCCLIII. n. 4. et 7; **) p. CCCCLXXVI. n. 1.



CCCLXXX. n. 6; p. CCCXXVIII. n. 6. et alibi, HONORE . CONTENTVS . IMPENSAM . REMISIT; sed p. CCCLXXXII. n. 6. HONOREM . ACCEPIT. IMPENSAM . REMISIT; p. CCCLXXXIII. n. I. HONORE . ACCEPTO . IMPENSAM . REMISIT cet. Ex quo eiusmodi homines καλοκαγάδες cum ciuitatis suae senatu populoque, liberalitate et officiis quasi certasse, intelligitis. Alii haec omnia publice fieri passi quidem sunt, sed vt, quam grato animo essent, constaret, eo ipso die, quo monimentum dedicabatur, iuxta plebi reliquae, ac decurionibus, sportulas distribuere. Rem ita esse, lapidum tituli in Gruterianis, p. CCCLXXXII. n. I; CCCLXXXV. n. I, aliis, demonstrant. Nonnullis, adeo modestis, vt monimentum sibi publice poni vetarent, *decuriones* nihilosecius fieri iusserunt: quod lapidis Gruteriani p. CCCXVII. n. 6. titulus vincit. Eius verba huc transcribere, non est necesse. Satis enim, quod sequutus sum, assequutus mihi videor, ac demonstrasse, vnamquamque remp. bene institutam et moratam, ciues bene de se meritos publica remuneratione dignos habuisse. Quo quasi stimulo fieri non potuit, quin alii viri honesti, et gloriae appetentes, itidem ad bene egregieque facta allicerentur. Tandem siqui fuere, quos bene de ciuitate sua meritos in decurionum ordinem cooptare, adeoque ad magistratus et dignitates prouehere non possent: iis certe *ornamenta decurionatus*, vel *aedilitatis*, vel *praeturae* cet. decreuisse accepimus. Cuius instituti rationem marmorum complurium tituli itidem demonstrant *).

Sequun-

*) conf. Val. Chimentii marmor Pisani, de honore Bisellii. Bonon. 1666.

Sequuntur verba: CVM . ESSET . ANNORVM
 SEXS . ad intelligendum fane facillima, nisi po-
 stremum, singulari ratione scriptum, Italis quibus-
 dam eruditis scrupulum inieciſſet, perpuliſſetque,
 vt vim ei alius aliam ſubiiciendam putaret. Quae
 ipſa eorum lis ne exoriri quidem potuerit, ſi, vt
 plerisque in libris vidi, SEX ſcriptum eſſet. Mo-
 uerunt eam Neapolitani nonnulli, ſaxo, vna cum
 titulo, ex ruderibus Pompeianis vixdum eruto:
 quorum pars *ſexaginta*, pars *ſexdecim* inde effici
 iuſſit. De qua cum *Iosephus Galzeranus*, V. Cl.
 certioſorem feciſſet per epiſtolam, Io. Lamium, Flo-
 rentinum, V. Celeb. hic eius particulam, breui
 poſt, in commentariis litterariis, Florentiae ſcribi
 edique ſolitis, cum aliis viris eruditis communica-
 uit. Ex quibus tum fuiſſe perſpexi, qui in voca-
 bulo, de quo quaeritur, operarum lapſum ſuſpica-
 rentur, idque pro *ſexaginta* poſitum contenderent;
 quibus epiſtolae auctoſ adſtipulandum putabat:
 alios, qui *Andrea Serno*, V. D. auctoſ, *ſexdecim*
 inde exſculperent: *Lamium* ipſum negaſſe quidem,
 in vocabulo ita ſcripto, lapicidae erroſ ineſſe;
 contra S τ̃ X adiectum quam rectiſſime, per pleo-
 naſmum aliquem, priſcis Latinis valde ſollennem,
 cuius exempla tria e marmoribus Gruterianis ad-
 ferret; at credidiſſe tamen, iſtud SEXS per *ſexdecim*
 non *ſexaginta* interpretandum eſſe. Eodem fere
 tempore V. Cl. *Iſidorus Blancus*, ordinis Camaldu-
 lenſis ritibus initiatus, in exercitatione ſubitaria
 ſuper hoc titulo ſcripta, et Rauennae publice lecta,
 itidem contendit, eorum, qui vocabulum, de quo
 quaeritur, pro *ſexaginta* poſitum crederent, ſen-
 tentiam ſibi potioſ videri; ideoque alteram le-
 gibus quibusdam prolatis, refellere conatus eſt.
 Neque aliter exiſtimauit *Dominicus Migliaccius*, au-



Etor dissertationis de aede Iſiaca, Pompeiis eruta,
 et inſcriptione ſuper illius foribus affixa; item ap-
 pendicis huic libello adiectae: qua extrema, *ὡς ἐν*
παρόδῳ ficticium illum *Andream Serno* non alium
 eſſe demonſtrauit, ac *Franciſcum Serao*, inclutum
 artis ſalutaris antecellorem, Siculaeque reginae *ἀρ-*
χιαρχόν celeberrimum. Quae huius concertatio-
 nis hiſtoria vos, I. O. plane docet, Italos, quos
 diximus, omnes credidiſſe, τὸ *ſexs* vocabulum
 eſſe non integrum, ſed aliquo litterarum compen-
 dio ſcriptum. At vero vtriusque ſententiae aucto-
 res, ſiquid video, ante omnia ſtudioſe indagare de-
 buiſſent, vtrumne id reapse conciſum ſit, an con-
 tra perfectum et integrum: tum ſelectis demon-
 ſtrare exemplis, *ſexaginta* vel *ſexdecim* nonnun-
 quam in *ſexs* concidi ſolitum: et tandem argu-
 mentis vincere, quamcunque aliam vocabuli in-
 terpretationem falſam eſſe. Quod quum haud fe-
 cerint, andabatarum more pugnare, mihi certe viſi
 ſunt. Alia igitur via, alio ordine rem adgredia-
 mur. Equidem, vniuerſo tituli contextu, et ſin-
 gulis ipſius verbis examinatis, cauſſam mihi videor
 videre nullam, cur id pro vocabulo conciſo habe-
 re oporteat. Ipſius enim auctor quum, praeter
 nominis compendium, et P. S. formulam lapida-
 riam, uſu ſatis tritam, verbum conciderit nullum:
 facile inde coniicere licet, id non minus, quam
 cetera, integrum eſſe, nec quicquam compendii
 in eo latere. Tum inſcriptionis cuiuſcunque au-
 ctor, ſiquid aliud, perſpicuitatem ſequi, et nihil
 ita ſcribere debet, vt obſcuritas quaedam et inter-
 pretandi difficultas inde ſubnaſcatur *). Quam
 legem

*) Ita iudicauit etiam F. de Abatibus Oliuerius,
 Hannibal Cam. Eq. D. Steph. marmorum Piſaurenſium in-
 terpres



eum rem prorsus incredibilem affirmaturum: leges enim, quibus litem componendam censuere, eandem quouis et loco, et tempore, obligandi vim haudquaquam habuisse, inter omnes constat. Quae quum ita sint, coniecturam qualemcunque meam super hac re vobiscum communicabo. Iam primum omnium fuere, qui τὸ S post X non nisi lapididae errorem esse contenderent. Ego vero rem longe secus esse arbitror: non quod operas errare et labi potuisse negem, sed quod, re indagata, aliquam ita scribendi causam inuenisse mihi videor. Nimirum quicumque Populi R. numos et lapides nuper saltem versare inchoauit, is non potest S τω X adiectum, tam in fine verborum, quam in medio, vocali potissimum, admodum raro consonante sequente, non obseruasse. Vidit hoc modo scriptum PAXS, CAPPADOXS, FELIXS: quod confirmat Ez. Spanhemius *) atque Froelichius, V. Cel. **). Quibus adiici potest FELIXS, e marmoribus Oxoniensibus ***), atque Gruterianis †) depromptum: EXS, apud Schmidium ††) CONIVNXS, in Gruterianis †††): quin hoc ipsum SEXS, in eisdem ††††): cuius marmoris titulum integrum posthac suppeditandum censeo. Nec minus in medio vocabulo, vocali potissimum sequente litteras S et X copulatas viderit, necesse est. Cuiusmodi exempla etsi *Lanium* et *Blancum*, VV. CC. attulisse, supra demonstratum est: tamen
non

*) de Vsu et praest. Numism. ant. Diss. II. p. m. 121.

**) Quattuor tentaminibus in re numaria vetere, p. 383.

***) p. m. 102. n. xxxvi.

†) p. cxxvi. vbi aliquoties ita scriptum exstat.

††) Opusculis, quibus res antiquae, praecipue Aegyptiacae explanantur. p. 412.

†††) p. dxxvii. n. 6.

††††) p. dclxi. n. 8.

non possum, quin ea exquisitoribus quibusdam augeam. Vt, in SCto, A. V. C. CCCLXVIII per-
scripto, quod in Gruterianis est *), videre licet
DEIXISTIS, pro *dixistis*, DIXERVNT, pro
dixerunt **): in fragmento I et II legis agrariae,
iisdem ***) intexto, et aliis lapidibus, PROXSV-
MEIS, pro *proximis*; EXSIGATUR, pro *exigatur*:
in aliis ****) scriptum est, EXSEDRA pro *exedra*:
in aliis †) et Reinesianis ††) EXSORNARVNT,
EXSORDINE, EXSEMPLO: ita etiam FAXSEIS
pro *faxis*, PEXSVS, SEXSVS reperiuntur. Quid?
quod tam VIXSIT, quam VIXS. concisum pro
vixit, in faxis Miseni non ita diu repertis, et
Neapolin, in Ducis Noienfis supellectilem littera-
riam deportatis †††), exstare didici ex praefatione,
qua Antiquitatum Herculansensum volumen V
exorsi sunt ipsarum editores, longe celeberrimi;
vel, vt verum dicam, Pasqualius Carcanius, vir in-
clutus, ac de rebus regni Neapolitani ciuilibus
non minus, quam de vniuersa rep. litteraria im-
mortaliter promeritus, cui, omni laude nostra
maiori, vitam quam longissimam vna cum valetu-
dine firma perpetuaque apprecamur, vt, quam
texere incepit telam, recte ac feliciter pertexere
possit. In medio vocabulo, consonante quidem

E 4

sequen-

*) p. CCCCLXXXVIII.
n. 12.

**) p. CCIII.

***) p. CCII. ff.

****) p. CLXXII. n. 3.

†) p. CCXIII.

††) p. 475.

†††) Hunc Ducem Ca-
raffa-Noiensem nuper mor-
tuum, huiusque numos
aliamque supellectilem litte-

rariam in museo regium
deportatos esse didici ex
Francisci Neumanni, V. Ce-
leb. populorum et regum
numis veteribus ineditis, qui
liber varia et exquisita do-
ctrina refertus, hoc ipso an-
no Vindobonae promulgatus
est. Commemoratur id, quod
dixi, p. 8.



sequente, tum duntaxat adiectum vidi, quum ea est cognata: vt, in Gruterianis *) EXSCB, et EXSCBPT: praeterea nuspiam. Igitur, τὸ SEXS, vt concisum esse largiar, *sexsaginta* potius, quam *sexsdecim*, significare putem, propterea quod in illo τὸ S vocalis excipit, in hoc non item; sed consonans, eademque prorsus dissimilis. Quae quum ita sint, atque S τῷ X adiectum saepenumero exstet in monumentis tam vetustissimis, quam quae, vti SCtum, quod dixi, et legis agrariae fragmenta, a viris doctis scribendique peritis haud dubie fuerant exarata: sententia Froelichii, V. D. huius *ὁρτογγραφίας* causam indagantis, admodum probabilis videtur **). Tralaticium enim est, litteram Z apud Graecos, adeoque etiam X apud Latinos, non nisi sero inuentam esse, et adhiberi coeptam. Quod demonstrant tabulae Graecae vetustissimae, a Sponio et Maffeiō, viris eruditissimis, in lucem prolatae: in quibus, loco τὸ Z scripta videntur XΣ, vt, XΣENOΦΙΛΟΣ pro ZENOΦΙΛΟΣ. Hoc Latini videntur imitati, ita tamen, vt Graecum characterem X seruarent, ne duo alii, CH, ante S ponendi essent; vti et solum C ante S reperitur in vetusto numo, quo PACS, pro *pax*, positum exstat. Haec ille fere. Cuius loco et PAXS scriptum esse, docet numus Aemilii stemmatis, quem

*) p. ccciii; xxx. n. 4.

**) Dum haec rursus, vt prelo subiici possint, examino, hanc ipsam rem fortuitu cerno a Norisio, V. Cel. (in Cenotaph. Pisan. Part. II. dissert. 4. §. 2. p. m. 140. ff.) exploratam esse: cuius

exponendae occasionem ipsi suppeditarunt vtriusque tabulae, cui incisi sunt tituli, vocabula MAXSVMI, MAXSIMO. MAXSIMOS. MAXSIMIS. DEFIXSO. Huius viri locus dignus profecto est, quem hac opportunitate iterum iterumque legatis.

quem apud Valentem *), et in thesauro Morelliano **) conspicari potestis. Scribebatur etiam AXSIVS, pro AXIVS: quod gentis Axiae numi demonstrant: quorum in parte auersa L. AXSIVS. L. F. legitur, et quos vterque auctor, quo dixi libro, exhibendos curavit. Ex quo non temere suspicor, priscos Latinos, antequam littera X vel inuenta esset, vel ab omnibus adhiberi coepta, in vocabulis, quae eam postulant, scribendis, CS vsurpasse: ea vero inuenta, et loco τῶν CS poni coepta, τὸ S non extemplo abieciſſe, ſed, vocali potiſſimum conſe- quente, aliquamdiu addidiſſe, haud dubie propter ea, quod id verbo pronuntiando lenitatem ſuaui- tatemque aliquam conciliare exiſtimarent. Tan- dem vero factum, vt illud S, veluti litteram nec neceſſariam, et otioſam, prorsus omitterent. Cu- ius rei ignorantia, vel certe Codices vetuſtos recte inſpiciendi ſocordia, ſi quid video, cauſſa fuit, cur librarii plerique varios in ἀπόγραφα ſua inferrent errores. Eiuſmodi lapſum deprehendere mihi vi- deor in Liu. xxiii. 3. vbi teſte Io. Frid. Gronouio, Cod. Put. bis habet ETAROS, ac praeterea priori loco, G ſuperius adſcriptum ab altera manu. Eo deceptus Valla, priori hoc loco, *et agros* exſcul- pſit. Perperam. ETAROS per eas, quas dixi, cauſ- ſas, natum erat ex priſca ſcribendi ratione ETARCS, τῶ C, quod facile fieri potuit, maxime ſi id ſomni- culoſe inſpexiſſet librarius, temere in O mutato. Recte igitur Salmaſius et Gronouius priori loco *et arx*, poſteriori, *ſed arx* ſcribendum cenſuere. Quae obſeruatio critica, niſi me omnia fallunt, aliis quoque veterum auctorum locis emendandis

E 5 mul-

*) h. e. Vaillant in numis
antiquis famil. Rom. n. 53.

**) tab. III. n. 8.



multum profutura videtur. Sed ad rem redeamus. Igitur *SEXs* in lapide hoc Pompeiano, ob sequens O, more vetusto scriptum est, neque operarum lapsus in eo suspicandus: praeterea verbum, non concisum, sed integrum, quoniam eiusmodi compendium, et sensum πολύσημον ancipitemque pepererit, et exemplo alio, vetustis in monumentis obuio, defendi nequit. Quo demonstrato, sequitur, vt id per *sex* interpretandum esse doceam, et morem, *sex annorum puerum in decurionum ordinem cooptandi*, non plane inauditum fuisse, argumentis vincam. Ac primo quidem τὸ *SEXs* pro *sex* positum, in lapidibus exstat. Gruterus protulit vnum *), Aquini in platea publica collocatum, in quo haec leguntur:

NICENIS**). PVPAE
P. ALFI. P. L. DIONYSI
DVILLIAE. L. I. APICLAE
DELICIVM. VIXIT
ANN. SEXS

Eo moesti parentes, tum quo amore filiam viuam prosequuti sint, tum quo dolore mortuam prosequantur, testificari voluere. Ipsam appellant *delicium*, vocabulo, de *infantibus tenellis*, quos impensius amabant parentes, adhiberi solito: quod vos, in auctorum classicorum libris bene versatos, latere nequit. Hinc marmor non nisi vnum indicandum censeo, quo id eadem vi et potestate vsurpatum videatis. Exstat hoc in Gruterianis ***) eiusque verba extrema

*) p. DCLXI. n. 8.

***) p. eadem, n. 10.

**) Sunt, qui NICENI legendum putent.



trema haec sunt: DELICIVM. VIXIT. ANN. III. In hoc vt trium annorum infans *delicium* appellatur, ita in lapide antegressio credibile est, non *filiam*, quae fuisset annorum $\overline{\text{LX}}$, vel saltem $\overline{\text{XVI}}$, sed puellam sexennem, eodem nomine appellari. Atque hoc exemplum satis, me iudice, vincit, τὸ *sex* nonnunquam adhiberi solitum pro *Sex*. Sed quaeretis forsitan, fierine potuerit, vt *sex annorum puer* in *decurionum*, siue *senatorum* ordinem cooptaretur? Equidem video, et lubens meritoque concedo, hoc si nostris institutis iudicare velitis, absurdum atque ridiculum videri. Sed non minus ridiculum, non minus absurdum foret, instituta Romana nostris diiudicare. Quare si exemplis et testimoniis docere potuero, quo tempore lapis hic Pompeianus collocatus sit, eo non inusitatum in municipiis et coloniis, neque inauditum fuisse, paucorum annorum pueros *decurionum ordini* adscribere: res omnis erit confecta, quicquid mores nostri, quin leges nonnullae reclamant. Atqui vero huiusmodi exempla et testimonia memoriae prodita reperimus. Ipsi enim imperatores, de hominibus in ordinem Nicomedensium adlegendis consulti, rescripsere *), diuturnae consuetudinis hoc in negotio obseruatae, nonnunquam rationem esse habendam: et quamuis minores $\overline{\text{XXV}}$ annis decuriones per leges creari non debeant, tamen *ex causa* posse. Id quod magis etiam apparet ex eo, quod Imperatores, Seuerus et Antoninus, Septimio Zenoni **) rescribere voluere: „Pro infante filio, quem decurionem esse
„volui-

*) leg. 17. D. de Decur. et filiis eorum. municip. et leg. 1. C. de municip. et honor.

**) leg. 21. §. 6. D. ad



„voluisti, quamquam fidem tuam in posterum ad-
„strinxeris; tamen interim onera sustinere non co-
„geris: cum ad ea, quae mandari non possunt,
„voluntatem dedisse videaris„. Hoc idem non mi-
nus demonstrat sollenne edictum, quo legum lato-
res, audito, septem vel octo annorum pueros decu-
rionum ordini temere adscribi solere, huiusce-
modi denominationem vetuere, et simul sanxere,
vt nemo, nisi qui decimum et octauum aetatis an-
num ingressus sit, in decuriones recipiatur*). Hu-
iusmodi interdicto, aliisque similibus**) quid opus
fuerit, nisi plerisque in ciuitatibus consuetudo te-
nuisset, VIII, VII, minus, annorum pueros decu-
rionum ordini adlegendi? Praeterea Basilus ***)
Caesareae puerum ἑπὶ τέταρτον ἔτος ἀπὸ γενέσεως
ἄγοντα — — — τῇ βεβουλευτῆρι μετέχοντα, h.
e. nondum quadriennem, inter buleutas, seu de-
curiones versari, commemorauit. Haec omnia, si
quid video, argumento sunt, decuriones Pom-
peianos, *N. Popidium*, puerum sexennem, coo-
ptando, rem non inusitatam, non prorsus inaudi-
tam fecisse.

Cuiusmodi pueri, ordini decurionum adlecti,
decuriones praetextati sunt vsurpati: iique discendi
potius, quam censendi gratia, in curiam venere †).
Quod ea confirmat lex ††), qua, quoniam mino-
res XXV annorum decuriones sint, decurionum
sportulas accipere iubentur; suffragium inter ce-
teros

*) leg. 19. Cod. Theod. tit. de Decur.

dilibus Coloniarum et mu-
nicipiorum, p. 157.

**) leg. 7. 35. ei. tit.

***) ep. 389.

†) Euerardus Otto de Ae-

††) l. 6. §. 1. D. de De-
cur. et eor. filiis.

teros ferre vetantur. Eiusmodi *decuriones praetextati* recensentur in tabula Canusina, apud Sponium *) et Fabrettum **): item in alia, quam a Riccardo, patricio Florentino, in museo priuato seruata, Io. Lamium, V. Celeber. cum commentario promulgasse constat ***). Ordo, quo magistratus, in ea descripti, sese excipiunt, hic est:

Patroni CC. VV.

Patroni EE. QQ. RR.

Quinquennialicii.

Allekti inter quinquennialicios.

Ilviralicii.

Aedilicii.

Quaestoricii.

Pedani.

Praetextati.

De omnium postremis differens editor clarissimus, negat †) facile dictu esse, qui isti fuerint. E Liuiio ††) constare quidem ait, magistratus colonicos et municipales gessisse togam purpura praetextam: sed cur postremi κατ' ἐξοχήν *praetextati* dicantur, sese ignorare. Qui, si id, quod ego demonstratum puto, probabile credidisset, haud dubie longe aliter de iis statuerit. Senatores Rom. ac iudices eos, qui ius sententiam aliquam proponendi non haberent,

*) Miscellan. Antiqu. e-rudit. P. I. p. 280. f.

**) Inscript. domest. cl. VIII. n. 9.

***) Ioann. LamI in antiquam tabulam aheneam, decurionum nomina et descriptionem continentem, et

in priuato Amplissimi dynastae, Senat. Equit. Vincent. Mar. Riccardi, Patrici Florentini museo asseruatam, observationes.

†) l. c. p. 19.

††) l. 34, 7.



rent, sed pedibus saltem in aliorum sententias abirent, *pedaneos* vsurpatos, adeoque senatores iudicesue fuisse omnium postremos, qui auctoritate minimum pollerent, tralaticium est. Hoc idem in *decurionibus* obtinuisse confirmatur eo, quod in ipsorum descriptione *pedani*, (sine dubio pro *pedanei*) commemorantur. Qui cum in censendo postremi, minimum iam valerent auctoritate: *praetextatos*, qui illos excipiunt, non praestantiores, sed ipsis inferiores fuisse videtis. Itaque credibile est, hos ne pedibus quidem, ut illi solebant, in cuiusquam abiisse sententiam, sed ceteris decurionibus, discendi causa duntaxat, adfuisse, toga tamen praetexta, ceterisque ornamentis decurionalibus uti potuisse. Et quemadmodum Romae puerum, antequam togam puram sumeret, *praetextatum* dictum esse constat; ita *decurio*, qui puer, necdum censendo idoneus esset, *praetextatus* videtur appellatus. Quo concessio, utramque tabulam, Canusinam et Riccardianam, documento esse cernitis, *decurionum ordini* non raro pueros adlectos esse.

Hinc etiam animum inducere non possum, ut in lapide aliquo Gruteriano *) pro VI legi iubeam LVI; quod notae adscriptae auctor factum voluit. In eo, ex Vlpiae Traianae rudibus effosso, haec leguntur:

ANTONIAE. BONOSAE. VIXIT. ANN

XXXVIII. AVRELIO. CONSTANCIO. EQ. R

DEC. COL. VIMIN. VIXIT. ANN. VI

P. ANTONIO. VICTORI. MIL. LEG. VI

VICTRI-

*) p. CCCLXXI. n. 5.



VICTRICIS . FRVM . VIXIT . ANN . XVIII

P . ANTONIVS . SVPER . INFELIX . PATER

Primum enim filio, LVI aetatis anno fati defuncto, patrem superstitem monumentum posuisse, parum verisimile videtur. Et ut hoc accidere potuerit, qui mera haec coniectura, sine ullo fugientis L vestigio, fati momenti habeat, ad monumentum aliquod publicum mutandum? Tum causam, cur VI in LVI mutari iubeatur, non aliam fuisse subodoror, quam quod sexennem puerum inter *decuriones Viminiacenses* exstitisse, vix credibile iudicatum sit. At vero quum aliis e monumentis tenerae aetatis pueros coloniarum atque municipiorum decurionibus nonnunquam adlectos constet: cur Aurelio Constantio, equiti R. tribuni militum, qui in coloniae Viminiacensis vicinia non parum auctoritate valuisse videtur, filio, non itidem contigerit, ut ipsius decuriones, patris gratiam aucupantes, filium sexennem in ordinem suum cooptarent? Ego sane nihil, quod illius aetatis moribus repugnet, hic deprehendo: ideoque hoc in saxo VI non minus, quam in Pompeiano SEXs, verum esse censeo. Quod idem magis etiam confirmaret lapis Tarvisianus, in Gruterianis *), si integer esset: utpote in quo ciuitatis illius ordo trium annorum puerum decurionatu dignum iudicasse memoratur. Sed argumentum, quo meam tuearsententiam, ex eo fracto et ἀκεφάλω depromere vereor: maxime cum exempla, in medium allata, eam iam satis confirmare videantur **). Sed clamant Itali,

*) CCCCLXXXVIII. n. 4. ac Reinesius in Syntagm.

**) conf. Capacius Anti- inscript. cl. VI. n. 91. ubi
quit. et hist. Neapolit. c. 10. pueri, quinquennis alter,
alter



Itali, quos supra dixi, sex annorum puerum *non esse sui iuris*; neque adeo impensam, quantam aedis alicuius instauratio postularit, sine patris tutorisue auctoritate et consensu facere potuisse: neutrius autem cum hoc in saxo fiat mentio, necesse esse, ut *Popidius* sui iuris homo, et *SEX* *Saginta* annos natus fuerit. Quod imprudenter, ne dicam temere inconsulteque vrgeri mihi certe videtur. Nam si aedes, quod lapis testatur, *Popidii*, filii, pecunia, quam adoptatus fortassis a quopiam hereditate acceperat, reapse instaurata esset: hic solus etiam impensae suae fructum capere, neque eum cum quocunque alio partiri debuit. Et ut ipse *Popidius*, pater, quemadmodum *Bacchi* statuum fieri curauit, ita *Isidis* aedem sua pecunia restitui iusserit: fierine potuit, ut is, aut admodum fenex, decurio fieri per leges non posset*), aut, si potuisset, iure suo non usus, honorem sibi destinatum, consensu ordinis, filio concederet**), aut denique, propter vitae institutum, decurionatu excludendus esset? Quicquid horum verum esse concedatis, ego certe nihil inusitati, nihil absurdi in eo animaduerto. Hinc mea in sententia, *Popidium*, filium, cum esset annorum *sex*, in decurionum ordinem cooptatum, esse diutius persto: eoque magis, quod *Italus* alius, idemque vir doctissimus, eam ipsam tueri non dubitauit***).

Con-

alter sexennis, equo publico donati memorantur, certe non ut re ipsa stipendia facerent, sed ut Equit. Rom. honore fruerentur.

*) Maiores enim annis
LV, ad decurionatus hono-

rem vocari *inuiri*, prohibebantur, leg. 2. §. 8. de Decur. et fil. eorum.

**) Sueton. Aug. c. 29.

***) v. Spiegazione dell'altra delle due antiche basi di marmo, scoperte il dì

Consequentia inscriptionis verba, ORDINI. SVO interpretationem non requirunt copiosorem, supra iam exposito, non nisi *decurionum collegium* eis significari. Vnde actum me agere egomet ipse pronuntiem, si plura hac de re commentari velim.

Neque de τῶ GRATIS, quod sequitur, verbose disputare necesse est. Quin ego nihil prorsus de eo differerem, nisi, quem ante dixi, *Migliaccium*, in eo interpretando, nodum in scirpo quaerere vidissem *). Is huic vocabulo negat heic loci vim eam subiiciendam esse, qua vel rem, a decurionibus factam, *N. Popidio* gratam et iucundam, adeoque ipso non inuito peractam esse; vel impensarum earum, quas decurio quisque recens creatus, alioqui facere debuerit, remissionem significet; sed eam contra, qua exemptionem a decurionum impensis omnibus, quamvis multis et grauib, et vnoquoque anno faciendis, denotet. Causas, cur ita censeat, vel admodum leues adfert, vel potius nullas. Vnde vos, I. O. ei adstipulari nolim. Cui enim probabile videatur, decuriones reliquos huic soli tam singulare priuilegium spondere voluisse, cum haud ignorarent, quicquid ei demtum foret ex tot tantisque impensis, quot quantaeque cum hoc munere copulatae essent, id ad se redundaturum, et oneribus, cuique per se ferendis, adiectum iri? Huiusmodi liberalitas longe maior profecto fuerit, quam qua *Popidius*,
aede

22. di Novembre 1770 dal
Cavalier Domenico Bonami-
mini, letta nell' Accademia
Pesarese la sera del giorno

primo di Marzo 1771, dal
Conte Vincenzo Machirelli.
p. xii. ff.

*) l. cit. p. 30. ff.



aede Isidis reſecta, de ciuitate ſua bene meritus erat : conſeſſoque ſimili priuilegio , decuriones ceteri ſibiſmet ipſi iniuriam intulerint longe maximam. Quod vt a vero alienum , ſic contra credibile arbitror, *Num. Popidium*, vel potius huius patrem, τὸ GRATIS in marmoris titulo adhibitum voluiſſe, vt de decurionum decreto , ſibi perquam honorifico , magis conſtaret; ac quiſque , eo lecto , intelligeret, quam pio, quam grato vterque eſſent animo, et quanti facerent beneficium , ſibi tributum eo, quod decuriones ceteri collegam recens creatum, eumque non niſi ſex annorum puerum, ſine impenſis, ea opportunitate fieri ſolitis, cooptare decreuerint. *Ob introitum* enim, qui dicebatur, decurio quiſque collegis, reip. ac plebi, non nihil largiri debuit. Quod effici cogique poteſt ex Ciceronis, Verrem iudicio perſequentis, criminatione *), qua eum fuiſſe negat, tota Sicilia per triennium vlla in ciuitate gratis fieri ſenatorem. Quae inepta, quae inconfiderata, quin iniuſta fuerit, niſi nonnunquam factum audiſſet, vt impenſarum id, quod decurioni cuique recens creato alioqui per leges faciundum erat, nouis quibusdam ex veterum decreto ſingulari, de ipſis cooptandis factò, grauiores ob cauſſas condonatum ſit. Quod non minus liquido demonſtrant, quae Plinius **) de Bithyniſ et Ponticis commemorat: apud quos, lege Pompeia ſancitum ait, vt decuriones certam pecuniae ſummam *ob introitum* penderent. Cuius rei teſtimonia complura conquiſiuit Alciatus ***): quem adiſſe vos non poenitebit. Igitur veriſimilimum eſſe reor, decurionem quemque nouum, qua-

*) Verr. l. II. c. 49.

**) l. x. ep. 48. 113.

***) ad leg. 239. D. de verb. ſignif.

quacunque in ciuitate ordini adscriptum, *honorarium decurionatus* (sic vsurpauit ipse Traianus) soluere debuisset. Haec autem impensa sicui decurioni recens cooptato remissa esset, is *gratis adlectus* dicebatur. Id quod *N. Popidio*, de quo quaeritur, ob pietatem liberalitatemque contigisse, lapis hic Pompeianus testatur. Hoc idem aliis non paucis euenisse apparet ex non paucis lapidibus: vt, Gruteriano *), quo teste cuiusdam OB. MERITA. PATRIS. HONOREM. DECVRIONATVS. GRATVITVM. DECREVIT. ORDO. DECVRIONVM. ET AVGVSTALIVM. ET. PLEBS. VNIVERSA sc. Sueffanorum in Campania; item ex consequenti **), in quo eadem memorantur. Consimili ratione aliis, alios honores GRATIS decretos reperimus. Vt, in Gruterianis ***) dicitur de non nemine: HVIC ORDO. DECVRIONVM. OB. MERITA. EIVS. HONOREM. AVGVSTALITATIS. GRATVITVM. DECREVIT. Plures, quod facile possim, commemorare nolo. Ex his paucis enim, quae vis et potestas τῷ GRATIS subiicienda sit, vos iam satis perspicere opinor.

Supereſt, vt de vltimo tituli vocabulo, ADLECTVNT, paucis disseram. Est id hac in caussa verbum fere ſolenne, quod centies, amplius, in ſaxis vetuſtis vsurpatum reperitur: vt, in Gruterianis †), ADLECTVS. IN. ORD. TARRACON. In alio ††), quo P. Sextilius dicitur DECVRIO ADLECTVS. EX. VETERIB. NOLAN. cet. Adhibitum etiam eſt de femina, eademque dicta

F 2

in

*) p. CCCCLXXV. n. 3.

†) p. CCCLV. n. 4.

**) p. ead. n. 4.

***) p. CCCLIII. n. 7.

††) p. CCCCLXVIII. n. 9.



in marmore Gruteriano *), ADLECTA. AB. ORDINE. IN. DEC. AVGVSTAL. Adhibitum denique de aliis, alios in ordines cooptatis: vt, in iisdem **) memoratur non nemo ADLECT. INT. PRAETOR. item alius ***), INTER. TRIBVNITIOS ADLECT. Exempla plura silentio praetermitto, ratus, ex his, quod affirmaui, iam satis intelligi: nimirum τὸ adlegere, hoc in negotio verbum solenne fuisse, et τῷ cooptare, quod Cicero vsurpauit †), vim habuisse. Vtriusque loco, Plinius ††) τὸ adiicere adhibuit. Quo obseruato, locum alium Plinianum †††), qui haud dubie in mendo cubat, facile sanari posse credidi. Ibi legitur, *quam buleutae addunt beneficio tuo*. Quid sibi velit τὸ addunt, neminem docere ait Gesnerus ὁ πᾶν. Casaubonus quidem coniecit *additi*, plaudentibus aliis: *adiuncti* malebat Gesnerus. Quid? si legamus *adiecti*, vel *adlecti*, participium verbi sollemnis? Equidem alterutrum multo rectius poni existimem, quam aut *additi*, aut *adiuncti*: quorum neutrum in lapidibus inuenire memini. Quod cuique melius videtur, id per me sequatur licet: ego non impedio. Quin de omni hac caussa non nisi hoc vnum, quod supra iam quodammodo dixi, adiiciam, ex iis, quae adhuc disputata sint, palam fieri, penes triplex hominum genus, ius et potestatem decuriones novos adlegendi fuisse. Primum, *decuriones* ipsos deminutum ordinis sui numerum explere potuisse: tum *censores*, *per censum in Bule legisse* ††††): tandem ex singulari imperatorum

*) p. MLXXXVIII. n. 12.

**) p. CCCCXXXVI. n. 3.

***) p. ead. n. 9.

†) pro Coel. c. 11.

††) l. X. ep. 113.

†††) lib. eiusd. ep. 48.

††††) Plin. l. X. ep. 113.

quos lex Pompeia, apud

torum clementia indulgentiaque nonnullos, vel supra numerum, *decurionum ordini* adlectos esse. Quod ut ex Plinio *) iam nouimus, ita hoc idem demonstrat lapis Gruterianus **), in quo ADLECTVS . AB . DIVO . TRAIANO . IN . SPLENDID ORD . commemoratur. Quos inter vtrumne discriminis quicquam intercesserit, an nullum; inuestigato non opus arbitror. Quin, si indagatum velitis, ego haud scio an quispiam huiusmodi quaestionem, propter monumentorum paucitatem, recte et ordine adgredi, ac prorsus persolvere possit.

Expositis, quae mihi ad lapidis huius Pompeiani titulum recte interpretandum visa sunt necessaria; non dubito, quin vobis; I. O. ex iis lectis ponderatisque pateat, quot quantaeque res, ad ipsam iuris scientiam pertinentes, eiusmodi antiquitatis monumento contineantur, quosque vos adeo, in addiscendo Iure Rom. occupati, fructus ex iis capere possitis. Quo cognito et explorato, vos scio, pro ea, qua estis, discendi cupiditate, nemine etiam auctore et suasore, monumenta similia nonnunquam perscrutaturos esse, ut eorum, quae in scholis tradita sunt, argumenta inde depromatis. Quo labore, non utilissimo solum, sed etiam, quod vobis spondere possum, iucundissimo, perficietis, ut ad multo plenior et elegantior, quam ii, qui eiusmodi doctrinae adaugendae praesidia, vel ignorant, vel temere despiciunt, iuris scientiam perueniatis; eoque facto, siue respondere, siue scribere, siue cauere iubeamini, singu-

Bithynos et Ponticos sancita pecuniam dare noluit.

quos decurionatus honorarium pendere oportuit.

*) Plin. l. X. ep. 48. et 113.

**) p. CCCCLXXX. n. 5.



singula Icti probabilis munera recte et cum laude
exsequamini. Faxit Deus O. M. ut id vobis con-
tingat, vosque me, vera tradendo, recta et ho-
nesta suadendo, ad salutaria non minus, quam ad
utilia cohortando, praeceptoris et amici probi ho-
nestique personam gessisse, in posterum intelliga-
tis. Quo cognito, vos me, ut ego vos, nun-
quam non amore studioque prosequuturos esse
confido. Valete. Dab. e Museo, ipsis Cal. Septemb.

A. O. R. CIOIOCCCLXXVIII.



